



რვაენი

დროშა

NOTRE DRAPEAU "

სსეპულია ნოე ჟორღანიას მიერ.

832
1960

N° 34

Directeur: MICHEL STOUROUA.

შ ი ნ ა ა რ ს ი:

- რ. არსენიძე—ნოე რამიშვილის ხსოვნას.
- პ. ხ.—პირისპირ!
- საბჭოთა იმპერიალიზმი.
- ა. ბადრიძე—მოსკოვის მარცხი.
- ვინ ამახინჯებს საქართველოს ისტორიას?
- მორის შუმანი საქართველოს შესახებ.
- ნ. ი.—რაჟდენ არსენიძის იუბილე.
- პარიზის ბლოკის მოწოდება.
- დამსწრე—საბჭ. კავშ. ერთა განმ. ლიგის წლიური კრება.
- აკაკი პაპავა—ჩემი მადლობა.
- ლ. ფაღავა—გიორგი წერეთელი.
- გ. შ.—მოგონების დღე და სხვ.

ნოე რამიშვილის ხსოვნას.

30 წელიწადი გავიდა მას აქეთ, რაც ის დაეკარგეთ! ნოე რამიშვილი! დიდი სახელმწიფო მოღვაწე, თავდადებული ჩვენი ქვეყნის საქმისთვის, ჩვენი პატარა საქართველოს თავისუფლებისა და წარმატებისათვის.

დაეკარგეთ ტრალიკულად და ეს იყო ტრალედია ქართ-ველი ერის და ღრმა მორალური განცდა უცხოეთში გადმო-ხიზნულ ქართველებისათვის, რომელთა რიგებში აღმოჩნდა ვინმე არ სახსენებელი უღირსი შვილი, ჩვენი ნოეს სიცოც-ხლე რომ გასწირა! უეჭველია ჩვენი ქვეყნის მტრის ხელი ერია ამ ბოროტებაში, მაგრამ ამსრულებელი ემიგრანტის სახელის შემბლადავი იყო. მტერი დახითხითებდა მის გაცი-ვებულ გვამს. ყოველი გულწრფელი მოყვარე ჩვენი ქვეყნის კი შავი ძაძით იმოსებოდა.

ამით უფრო გულსაკლავი იყო ჩვენი მდგომარეობა, ამით უფრო ღრმავდებოდა შინაგანი განცდა ყველასი, ვინც რაიმე პაისუხისმგებლობას გრძნობდა ერის წინაშე, ვინც ადამიანის ღირსების დაცვაზე ფიქრობდა.

ნოე რამიშვილი!.. დამოუკიდებელი საქართველოს დე-მოკრატიული რესპუბლიკის პირველი მთავრობის თავმჯდო-მარე, რომელმაც მთელ ქვეყანას ამცნო 26 მაისს ხუთ საათზე ნოე ქორდანიას პირით გამოცხადებული აღორძინება ქართ-ველი ერის, აღდგენა მისი საუკუნოებრივი სახელმწიფოებრი-ვობის.

ნოე რამიშვილი!.. ენერგიული, გონიერი, კოლეგიალუ-რი, მტკიცე ნებისყოფის პიროვნება! დიდი სახელმწიფოებ-რივი შემოქმედების ადამიანი, რომელიც მაგარი ხელით, დი-დი ორგანიზატორული ნიჭით უყრიდა მკვიდრ და მყარ საფუ-ძველს საქართველოს დემოკრატიულ აპარატს, დემოკრატი-ული სულისკვეთებით გაქლენტილს.

ნოე რამიშვილი!.. ახალგაზდობიდანვე სოციალური იდე-ებით გატაცებული, მშრომელთა ინტერესების დამცველი, იგი ერთი იმ მეთაურთაგანი იყო, რომელმაც მუშათა და გლე-ხთა საერთო მოძრაობას აუღო ალღო! და თეორიულ დებუ-ლებებს, ევროპიდან მოტანილს, ჩვენი ქვეყნის სინამდვილის ფაქტებზე ამოწმებდა, მათ უგუებდა, მათ სასარგებლოთ ამო-ქმედებდა. დიახ, იგი იყო ნოე ქორდანიასთან და სხვებთან ერთად, რომელმაც ქართველი ერის ბედი და მომავალი მუ-



30272

შათა და გლეხთა გაერთიანებას, მათ საერთო ინტერესებს დაუქავშირა.

უნივერსიტეტიდან გამორიცხული სტუდენტთა რევოლუციური მოძრაობაში მონაწილეობისთვის, იგი უკვე 1902—3 წლებში ხელმძღვანელობდა ბათომში მუშათა და გურიაში გლეხთა მოძრაობას, მათ გაერთიანებას. და ეს ექსპერიმენტი სრულიად ახალ მიმდინარეობისა საუკეთესო შედეგებით დაამთავრა.

აქ ჩვენ მის ბიოგრაფიის აღწერას არ შევუდგებით, თუმცა ვგრძნობთ, რომ საჭიროა ახალმა თაობამ და საერთოდ მთელმა ქართველობამ იცოდეს დაწვრილებით ამ დიდი და საყოველთაოდ აღიარებული სახელმწიფო მოღვაწის ცხოვრება. ჩვენ ვიტყვიტ მხოლოდ, რომ მან არ იცოდა, რა იყო პირადი ცხოვრება. თვითონაც და მისი ოჯახიც—საზოგადოებრივ მოძრაობის ტალღებში მოხვედრილი, მხოლოდ ქვეყნის, ხალხის ინტერესების დაცვაზე ფიქრობდა. მას არ ჰქონია არავითარი კარიერა, გარდა საზოგადოებრივ მოღვაწეობისა, მშრომელთათვის თავდადებისა, ერის უზენაეს უფლებებზე ზრუნვისა. და თუ ის ერმა დააჯილდოვა იმით, რომ მას პირველი დამოუკიდებელი რესპუბლიკის მთავრობის თავმჯდომარის როლი არგუნა, ეს იყო დაფასება და დაგვირგვინება მისი ათეულ წლების თავდადებული მოღვაწეობისა.

და როცა ერის ინტერესებმა მოითხოვეს, იგი უდრტვინველად უთმობს თავის მაღალ პოსტს, პარტიის მეთაურს, ნოე ჟორდანიას და თვითონაც ამოუდგება გვერდში, როგორც შინაგან საქმეთა მინისტრი, რომ მთელი სახელმწიფო აპარატის შექმნას და განმტკიცებას მოანდომოს თავის გამჭრიახობა, დაუშრეტელი ენერჯია და ერის სიყვარული!

ჩრდილოეთიდან მოსულმა უცხო ძალამ და ორიოდე საქართველოს მოღალატე შეილთა გამცემლობამ შეწყვიტა მისი ნაყოფიერი სახელმწიფოებრივი მუშაობა საქართველოს თავისუფლებასთან ერთად.

ნოე რამიშვილი უსაშინელეს მტრათ და მოწინააღმდეგეთ ყავდა მიჩნეული ამ დამპყრობ ძალებს: რამიშვილისებური სოციალისტები არ გააქაქანოთ საქართველოშიო, იყო პირველი კარნახი მოსკოვის მეთაურებისა საქართველოს დამპყრობთადმი. და ეს არის, თუ გნებავთ, საუკეთესო დამახასიათებელი ნოე რამიშვილის მოღვაწეობის სახელმწიფოებრივი და ნაყოფიერი მუშაობის. მისი ეშინოდა დიდი რუსეთის მპყრობელს ყველაზე მეტად! ეშინოდა სამართლიანად, რადგან ნოე რამიშვილი იყო დიდი ორგანიზატორი, ხალხის შემომკრები, გამაერთიანებელი. მან იცოდა ბრძოლაშიგნი, თავი-

სიანებში, მაგრამ იცოდა ყველას ფასი და ფასი ერთობის. მას ქონდა უნარი შინაურ განსხვავებათა მალა—ქვეყნის საერთო ინტერესების დაყენების. მან იცოდა პირადულის დათმობა და გულისწყრომის შეკავება—როცა ეს საერთო საქმისთვის იყო გამოსადეგი. განსაკუთრებით ვუსვამთ ჩვენ დღეს ხაზს მის ასეთ თვისებას იმიტომ, რომ ხშირათ იგი სხვის «ცოდვებსაც» იღებდა ხოლმე თავის თავზე, ან სხვები აწერდენ მას სხვის «ცოდვებს», მაგრამ იგი თავის სახელის დაცვასაც არ ცდილობდა, ოღონდ საერთო საქმეს არაფერი ვნებოდა.

ფიცხი და მკაცრი კამათში—ის ყოველთვის მზად იყო კომპრომისზე წასულიყო მორიგებისა და გაერთიანებისთვის. ეს ისტორიული სიმართლე უნდა აღდგენილ იქნეს!

ვისაც მისი ხსოვნის ჰატივისცემა სურს, იგი იმის ცხოვრების გაკვეთილით ისარგებლებს, მისი გზით სიარულს შეეცდება. «ძალა ერთობაშია» ამ ლოზუნგით იბრძოდა ის. ჩვენც უნდა ამ გზას გავყვეთ!

რ. არსენიძე.

პ ი რ ი ს პ ი რ!

ის, რაც დღეს ჩვენ თვალწინ ხდება შეიძლება ჩაითვალოს ომის წინამორბედათ და თუ მისი ქარიშხლის ავარდნა კიდევ შეჩერებულა, მხოლოდ იმ ტექნიკურ-ატომიურ იარაღების შიშით, რომელთა გამანადგურებელ საშუალებას შეუძლია მოსპოს დაპირისპირებული მხარეები...

დღევანდელი დაძაბული საერთაშორისო ვითარება არაა არც დღევანდელი და გუშინდელი ან კიდევ ქვეყნიერების ერთ რომელიმე შექმნილ მდგომარეობიდან წარმოშობილი—არამედ დიდი ხნიდან დაგროვილი საერთაშორისო მნიშვნელობის პოლიტიკური ფაქტორები, რომელთა ურთიერთ დამოკიდებულება თუ დაპირისპირება მძლავრად აქიჩავებენ და ხელს უშლიან ერთა დაახლოვებას, მათ შორის ნორმალურ დამოკიდებულების დამყარებას...

ომის ქაოსიდან გამოსულ და ეკონომიურად წელში გამართულ თავისუფალ ქვეყნებს ესაჭიროებათ მშვიდი ცხოვრება აღმშენებლობის საწარმოებლად, მით უმეტეს მათგან განთავისუფლებულ აზია-აფრიკის ქვეყნებს სჭირდებათ ზავი და მშვიდობიანობა, რათა შესძლონ ახლად მოპოებული თავისუფლება უზრუნველყონ შინაურ მრავალ დაბრკოლებათა გადალახვით, სოციალურ და ეკონომიურ საკითხების მოგვარებით. ამ საერთო მისწრაფებიდან გამორიცხულია საბჭოთა იმპერია, მოსკოვი, რომლის მიზნები და ზრახვები, რაც დრო მიდის აშკარა და ნათელი ხდება დანარჩენ კაცობრიობისთვის...

ყოველგვარი კონფერენციები, მოლაპარაკება, თანაარსებობის პრაქტიკული ღონისძიებანი—დიპლომატიურ ფორმტზე ხდება საშუალება დასავლეთის საზოგადოებრივი აზრის მისაძინებლად, მის მორალურ დემობილიზაციის მოსახდენათ, რათა შემდეგ შესაძლებელი გახდეს აგრესიული განზრახვების სისრულეში მოყვანა.

კიდევ მეტი, მოსკოვი გამუდმებით სთავაზობს კაცობრიობას ზავს, მაგრამ მისგან წამოყენებული პირობები თავისებურია—ბოლშევიკურია, ყოველთვის საბოლოო მიზნებისთვის განხრილი და გაწაღდული, ატომიური იარაღების ამუშავების მუქარით წარმოდგენილი, რათა ომის შიშის ქვეშ დასავლეთს მიაღებინოს თავისთვის ხელსაყრელი პირობები. მაშასადამე თავისუფალ ქვეყნებმა ზავის საფასურად უნდა გაიღონ ერის და ადამიანის თავისუფლება...

მოსკოვის შემოტევამ ახლო და შორეულ აღმოსავლეთში, ამერიკის ლათინურ ქვეყნებში თუ კონგოში—დასავლეთის მართველი წრეები თავდაცვის პოზიციებიდან შეტევითი პოლიტიკაზე გადაიყვანა, და ერთა კავშირის ტრიბუნაზე ხრუშჩოვის ტლანქ გამოსვლას შესაფერისი პასუხი გასცა.

ორ დაპირისპირებულ მხარეებს შორის ჩატენილი ხიდი სავსებით ჩაიძირა. ორმო გაითხარა. მათ შორის მორიგება შეიძლება იყვეს დროებითი, ცივი ომის ახალ-ახალ იარაღის განსამახვილებლად და მოსამართავად. რადგან ერთია მატარებელი ერის და ადამიანის თავისუფლების, მათი უფლების დამცველი და პატივისმცემელი, მეორე კი ერისა და ადამიანის დამშინებელი. მხოლოდ მეოცნებეთ შეუძლიათ წარმოიდგინონ მათი საბოლოო მორიგება...

თუ უკანასკნელად მოსკოვის შემოტევამ გაამახვილა და გააცხოველა თავდაცვის ინსტიქტი, რამაც საბჭოთა კოლონიალურ დამპყრობელ პოლიტიკას ფარდა ახადა, მეორეს მხრივ დასავლეთის საზოგადოებრივი აზრის ერთი ნაწილი განსაკუთრებით ინტელექტუალური ძალები ბოლშევიზმის ბაცილებით დაავადმყოფებული—აღმოსავლეთის დესპოტიის წიაღში ხედავს ცხოვრების პროგრესს, სოციალურ და ეკონომიურ წარმატების შესაძლებლობას. რამდენათ დემოკრატიულ ქვეყნებში საზოგადოებრივი აზრი მნიშვნელოვან ხეგავლენას ახდენს მართველობაზე, იმდენათ სუსტდება მაგარი, მტკიცე პოლიტიკის გატარება მოსკოვის მიმართ. ამ გარემოებით სარგებლობს რეჟიმი ტოტალიტარული და თავის ვეებერთელა საპროპაგანდო მანქანის ამუშავებით იპყრობს გულუბრყვილთა გონებას, ეპატრონება ახალ-ახალ პოზიციებს.

შეიძლება ვიფიქროთ რომ ხრუშჩოვის უხეშ გამოსვლებმა ეს საზოგადოებრივი აზრი რამოდენიმეთ მაინც შემოაბრუნოს, განსაკუთრებით აზია-აფრიკის ზოგიერთი ერები, თავიანთი «ნეიტრალიზმით» მოსკოვის წისქვილზე რომ წყალს ას

ხამენ,—ჩააფიქროს და მოსკოვის მორალური იზოლიაციის მოხდენით,—შესაძლებელი გახდეს ერთი მთლიანი შეტევით და მტკიცე პოლიტიკის წარმოება მოსკოვის მიმართ. რასაც მხოლოდ შეუძლია მოსკოვის აგრესიული გეგმების ჩაშლა და რაც უმთავრესია შინაურ ფრონტზე განაწამებ ხალხების ამოძრავება... რადგან თუ დასავლეთი არ დაინტერესდა დაპყრობილ ერთა ბედით და როგორც მდაბიო ენით არაერთჯერ იტყოდა ჩვენი ბელადი ნოე ჟორდანია «სხვისი ჭირი, ღობეს ჩხირი»-ო და თუ ვეებერთელა ტერიტორიაზე ეროვნულ და სოციალურ ჩაგვრათა მხილება არ გახდება აქტიურ პოლიტიკის საგანი, სანამ მტკიცეთ არ შეითვისებს თავისუფალ ქვეყნების საზოგადოებრივი აზრი და მართველი წრეები, რომ თავისუფლება ერთია და განუყოფელი, არა თუ შეწყდება ცივი ომი პირისპირ მდგომ ორ ბანაკს შორის, პირიქით, შეიძლება იგი გადაიქცეს ნამდვილ—საშინელ ომად და ჩასძიროს მთელი კაცობრიობა საშინელ ტანჯვა-წვალების მორევში...
ა. ხ.

საბჭოთა იმპერიალიზმი

(ამოღებულია რადიო «თავისუფლების» გადაცემებიდან)

I

საბჭოთა პრესა და საბჭოთა ხელმძღვანელები ქვეყანას აყრუებენ იმის ტრაბახით, რომ საბჭოთა კავშირი მრავალეროვნანი სახელმწიფოა, სადაც ეროვნული კითხვა იდეალურად არის გადაჭრილი; ერთა მეგობრობა ურყევად დამკვიდრებული და სხვ. მაგრამ იმ მწარე სინამდვილეს კი, რომელსაც თავისთავზე განიცდიან საბჭოთა ერები საიდუმლოების ფარდა აქვს ჩამოფარებული. საბჭოთა მეთაურებს მხოლოდ იშვიათად, ისიც კანტიკუნტად თუ წამოცდებათ ან გამოაქვეყნებენ ისეთ ცნობებს, რომელნიც ამ ტრაბახის გამტყუნებას წარმოადგენენ. ერთი ასეთი ცნობა შემთხვევით მოგვაწოდა ამა წლის 4 თებერ. გამოქვეყნებულმა სტატისტიკურმა მასალებმა 1959 წ. აღწერიდან. ამ მასალებიდან ვტყობილობთ, რომ რუსის მოსახლეობა პროპორციულადაც და აბსოლუტურადაც იზრდება თვით საბჭოთა რსფსრ-ში და იზრდება მათი რიცხვი და პროცენტული რაოდენობა მოკავშირე რესპუბლიკებშიაც. აი მაგალითად რსფსრ-ში 1926 წელს რუსები შეადგენდნენ 78 პროცენტს, 1959 წელს კი 83,2 პროცენტს. ამავე დროს არარუს რესპუბლიკებში, ყველგან გამოუკლებლივ რუსების რიცხვი ერთიორად ან ერთისამად გაიზარდა. მაგალითად საქართველოში 1926 წელს იყო რუსი 3,6 პროცენტი, 1959 წელს კი 10,8 პროცენტზე ავიდა.

საიდან მოდის ასეთი ნაყოფიერება ამ მთავარი ერისა საბჭოთა კავშირში? ძალაუნებურად იზადება კითხვა, რომ ეს არ არის ბუნებრივი გამრავლების შედეგი, რომ რომელღაც

არა რუსი ელემენტები გახდნენ რუსებათ, ე. ი. მოხდა ასიმილაცია. როგორ შეიძლება ასიმილაცია. როგორ შეიძლება ასეთი პროცესი ხდებოდეს იქ, სადაც ეროვნული საკითხი იდეალურად არის გადაჭრილი? შერეულ ქორწინებას რომ მივაწეროთ ეს მოვლენა—არ იქნება სწორი: ვინაიდან შერეული ოჯახი რატომ უნდა მაინდა მინაცვარუსდეს და არა გაქართველდეს მაგალითად? ამ ბუნებრივ აღრევას ამიტომ დიდ როლს ვერ მივაწერთ. მაგრამ არის სხვა მიზეზები, რომლებიც ყველა ე. წ. მოკავშირე ერების შევიწროებასა და უფლებებო მდგომარეობაზე მიგვიბრუნებს. კომუნისტური ხელისუფლება, როგორც იცით, არც მალავს, რომ სწორედ ლენინის დოქტრინის მიხედვით ყველა ერი ერთერად უნდა გაათქვიფოს, ხოლო საბჭოთა კავშირში ასეთი გათქვეფა რუსის ერში გათქვეფად აქვს მას წარმოდგენილი და ამ «კომუნისტური-ისტორიული კანონის» განხორციელებას ყოველი შესაძლებლობლობით უწყობს ხელს. აი მაგალითად: შკოლის საკითხი: რუსებისთვის ყველა საბჭოთა რესპუბლიკებში გახსნილია რუსული შკოლები. ეს იყო დამოუკიდებელ საქართველოშიც, სადაც არც ერთს ერს არ ართმევდნენ უფლებას თავის დედაენაზე მიეღო განათლება. მაგრამ საბჭოთა კავშირში არა რუსი ერები თავის რესპუბლიკის გარეშე ასეთ უფლებას მოკლებული არიან.

აი რას სწერს ამის შესახებ რუსეთის სოც.-დემ. პარტიის ორგანო სახლგარეშე «სოციალისტიკური ვესტნიკი», რომელიც კარგადაა გარკვეული საბჭოთა პოლიტიკაში: «არა-რუსებისათვის თავის რესპუბლიკის გარეშე არ არსებობს ნაციონალური შკოლა, არც დამატებითი გაკვეთილები, მაგალითად უკრაინელებისათვის უკრაინულ ენის, ისტორიისა და ლიტერატურის შესასწავლად, არც ქართველებისათვის შესაფერისად ქართული საგნების შესასწავლად და ასე შემდეგ». და ეს ხდება იმ შემთხვევაშიც, როცა რომელიმე ადგილზე საქმაო რიცხვია შკოლის ასაკის ბავშვებისა ამ ერებიდან. ცხადია ბავშვები ძალაუხერბურად რუსულ შკოლაში შედიან. «ეს კი აძლევს ასიმილაციის პროცესს იძულებით ხასიათს» — ამბობს «სოციალის. ვესტნიკი». ხოლო ასეთი თავის ქვეყნის გარეშე მცხოვრებნი კი 3-დან 17 პროცენტამდე მოიპოვებინან. ქართველები, თუ სტატისტიკას დავუჯერებთ, მხოლოდ 3,5 პროცენტი ცხოვრობს საქართველოს გარეშე. ეს ნიშნავს რომ ჩვენი ძველი კულტურის ერი ცდილობს თავის მიწა-წყალზე თავის მოძმეთა შორის დარჩენას და დიდი სამსახურისა და დაწინაურებისთვისაც კი არ სტოვებს მას. ის «არ ცვლის თავის სამშობლოს სხვა ქვეყნის სამოთხეზედა» როგორც უმღეროდა რაფიელ ერისთავი. მაგრამ ეს არ ითქმის იმ პატარა ტომებსა და ეთნიურ ჯგუფებზე, რომელთაც, თუმცა ანბანი შეუქმნეს, მაგრამ რუსული ენა მეორე მშობლიურ ენად მოახვიეს. ასეთი ტომები და ჯგუფები უმთავრე-

სად რსფსრ-ის ტერიტორიაზე იმყოფებიან ჩრდილოეთის ან ციმბირის რაიონებში და ეჭვი არ უნდა, მათ ანგარიშზე გაიზარდა რსფსრ-ში რუსული ელემენტი 78 დან 83 პროცენტამდე. ასეთივე ასიმილაციის ტალღას ცოტად თუ ბევრად შეეწირენ ნაწილობრივ სხვა ეროვნებებიც. მეორე მოვლენა, რომელიც გამოამქლავნა 1959 წლის აღწერამ—ეს არის, როგორც აღვნიშნეთ რუსული ელემენტის ზრდა მოკავშირე რესპუბლიკებში. ეს კი საბჭოთა მესვეურების წინასწარ გამიზნულ კოლონიალურ პოლიტიკას უნდა მიეწეროს. იგი ერთა მეგობრობის სახელით იფარება, მაგრამ ამით არ იცვლება მისი ნამდვილი აზრი და მნიშვნელობა. საქართველოში 10 პროცენტამდეა აყვანილი უფროსი ძმის ჩამოსახლებულთა რაოდენობა. ზოგ რესპუბლიკაში კი, როგორც მაგალითად ყაზახეთში, 43 პროცენტს აღწევს და ლამის აბსოლუტურ უმრავლესობად იქცეს. ამ რიგად საუკეთესო გადაჭრა ეროვნული საკითხისა სიტყვიერი თანასწორობის საფარველის ქვეშ ატარებს ასიმილაციისა და კოლონიზაციის პოლიტიკის ყველა ატრიბუტებს!

ეს გამომდინარეობს თვით ლენინის კომუნისტური დოქტრინიდან და ტარდება ცხოვრებაში კომუნისტური ხელისუფლების მიერ. მაშასადამე მისი შედეგები შეიძლება თავიდან იქნეს აცილებული მხოლოდ ამ რეჟიმის გაუქმებით და ამ ერთა განთავისუფლებით!

II

წინა თავში ჩვენ განვიხილეთ სტატისტიკური ცნობები უკანასკნელი აღწერისა და დაეასკვენით, რომ ამ ცნობებით უდაოთ დასტურდება, როგორც რუსიფიკაცია პატარა ერების თუ მათი ნაწილების მიანიც, ისე კოლონიზაცია რუსული ელემენტებით არარუს ერთა ტერიტორიისა. ჩვენ ვნახეთ, რომ საქართველოში, მაგალითად, რუსული ელემენტი გაიზარდა 3.5 პროცენტიდან—10.8 პროცენტამდე, ე. ი. თითქმის ერთი-სამად. ზოგ სხვა ერში კიდევ უფრო მეტად. რით შეიძლება ამგვარი მოქმედების გამართლება?

ამის პასუხი უნდა ვეძიოთ კომუნისტური იდეოლოგიის ძირითად დებულებებში ეროვნული საკითხის შესახებ.

კომუნისტური იდეოლოგიისათვის ერი, და მისი უფლებები მხოლოდ იარაღია და საშუალება მუშათა კლასობრივი ბრძოლის ინტერესებისათვის. ლენინი, მაგალითად, მომხრე იყო პოლონეთის დამოუკიდებლობისა, მაგრამ არა პოლონეთის ერის ინტერესებისათვის, არამედ იმისათვის, რომ «პოლონეთის დამოუკიდებლობის ლოზუნგი მიმართული იყო რუსეთის თვითმპყრობელური წყობილების წინააღმდეგ. ამიტომ, მისი აზრით, რუსეთის სოციალდემოკრატებს (იმ დროს კომუნისტური პარტია არ არსებობდა) რუსეთისაგან პოლონეთის გამოყოფისათვის უნდა დაეჭირათ მხარი». რაც შეეხება პოლონელ სოციალდემოკრატებს, მათ პირველ რი-

გში უნდა დაეყენებიათ პოლონეთისა და რუსეთის პროლეტარიატის კლასობრივი ბრძოლის და მოქმედების ერთიანობის მოთხოვნა». ე. ი. თვით პოლონელ მუშებს თავის ერის უდაო უფლებებზე ხელი უნდა აეღო. ამიტომ ლენინი გმობდა პოლონეთის მეორე სოციალისტურ პარტიას (პ.პ.ს.), რომელსაც პოლონეთის დამოუკიდებლობა ჰქონდა შეტანილი თავის პროგრამაში.

საკვირველი დიალექტიკაა! გაუგონარი ორპირობა და ცბიერება! თუ რუსის მუშა თხოულობს პოლონეთის დამოუკიდებლობას, პოლონეთის მუშამ ლოლიკისა და ელემენტარული გონიერების თვალსაზრისით მით უფრო უნდა წამოაყენოს ეს ლოზუნგი!

და თუ ასე მოექცა ლენინი პოლონეთის დამოუკიდებლობას რაც თვის დროზე ერთა განთავისუფლების სიმბოლოთ იყო გამოაცხადებული თვით მარქსისაგან პირველ ინტერნაციონალში, ადვილი წარმოსადგენია, როგორ მოექცეოდა ის საქართველოს!

და მართლაც ლენინმა ხელი მოაწერა საქართველოს დამოუკიდებლობის ცნობას 1920 წლის 7 მაისს მხოლოდ იმ მოსახრებით, რომ ამით ქართველ კომუნისტებისათვის საშუალება მიეცა ამ დამოუკიდებლობის დამხობისათვის ებრძოლათ! ამ უკანასკნელ შემთხვევაში თვითმპყრობელობისთან ბრძოლაზე ლაპარაკი აღარ შეიძლებოდა. მეფის რუსეთი აღარ არსებობდა. სამაგიეროთ იყო საქართველოში სოციალ-დემოკრატიული ანტიკომუნისტური მმართველობა, ხალხის თავისუფალ არჩევნებზე დამყარებული. და აი ლენინის მთავრობა ცნობს ამ საქართველოს დამოუკიდებლობას, იმავე დროს თავის ჯარებს ატანს ორიოდე მოლაღატე ქართველ კომუნისტებს, რომ საქართველო დაიპყრონ და საბჭოთა რუსეთს შეუერთონ. თეორიული გამართლება ამ იმპერიალისტური აქტისა ლენინს მზად აქვს. ეროვნული ინტერესები უნდა შეეწიროსო, ამტკიცებს ის, კომუნისმის მშენებლობისა და კომუნისტურ სამფლობელოს გაფართოების ინტერესებს.

ამრიგად ეროვნული უფლების აღიარება მხოლოდ ტაქტიკური მანევრია კომუნისტური მიზნების მისაღწევად ან მის გზაზე დაბრკოლებათა ჩამოსაშორებლად. ამიტომ გასაკვირი არ არის, რომ კომუნისმის ინტეგრალური განხორციელება ლენინს წარმოდგენილი ქონდა, როგორც ყველა ერების ეკონომიური მოლონიერება, მაგრამ ამავე დროს ერთ ერთად შერწყმა, ე. ი. ერთ ერში გათქვეფა. ყველა ამ იდეებს უწინაღობის «საქართველოს კომუნისტი» წარბ-შეუხარებლად ქადაგობს თავის ფურცლებზე. საბჭოთა კავშირის პირობებში ამ თეორიულ წაჯექ-უქუჯექობას ერთი კონკრეტული სახე აქვს მიღებული: იგი ლენინის ერში სხვა ერების გათქვეფას აღიარებს მსოფლიო კანონათ.

ერის განთავისუფლება იმისათვის, რომ მან თვითონ თავის საკუთარი რწმენით, აზრით, ნებით და სურვილით გადა-

წყვიტოს როგორც თავის შინაური ეკონომიკის და პოლიტიკური წყობის საკითხი, ისე თავის საგარეო ურთიერთობის პრობლემები, ე. ი. შევიდეს კავშირში ვისთანაც შეთანხმდება ან დარჩეს ცალკე—ლენინიზმისთვის მიუღებელია: ის მხოლოდ ერთა უფლებას უტოვებს ერებს: ნებით ან ძალით შევიდენ კომუნისტურ სამფლობელოში. ასეთია ეს ძირითადი დებულებები ლენინიზმისა, ეს საფუძველი და დასაბუთება ახალი იმპერიალიზმისა, რომელსაც დღეს საბჭოთა კავშირის მმართველები აწარმოებან. იგი შეიძლება ხელსაყრელი იყოს რუსის იმპერიალისტური წრეებისათვის, მაგრამ მანეგელია ყველა მშრომელისათვის და მიუღებელი ყველა სხვა ერებისათვის. აი ამიტომ ყველა არა რუსი ერები დაქინებით ეურჩებიან და უარყოფენ კომუნისტურ იდეოლოგიას და პრაქტიკას.

ეს ახალი და ყალბი იდეოლოგიური საფუძველი ვერ იხსნის საბჭოთა იმპერიალიზმს ისეთივე დასასრულისაგან, როგორიც ძველ კაპიტალისტურ იმპერიალიზმს ეწია: ეროვნული განმათავისუფლებელი მოძრაობა—თავის არსებით წინააღმდეგია კომუნისტური იდეოლოგიის, კომუნისტური დიქტატორული რეჟიმის და კომუნისტურ-იმპერიალისტური პოლიტიკის: იგი იბრძვის ნამდვილი თავისუფლების, ერის და ადამიანური ღირსების დაცვისთვის! და მომავალი მას ეკუთვნის!..

ბოლშევიზის მარცხი.

ბრუშჩოვის თითოეული მოგზაურობა ახლო წარსულში იყო პირწავარდნილი მოაზრებელი, ნიღაბანდილი კომუნისტური პროპაგანდა.

უდიდესი ქვეყნის წარმომადგენელი სარგებლობდა მასპინძელთა სტუმართმოყვარეობით და ის რაც შეიძლება ეკრძალებოდეს უბრალო პროპაგანდისტს, დასაშვები დარჩა ბრუშჩოვისთვის, მან ჩამოიარა აზია-აფრიკის თუ ევროპის ქვეყნები, აქო და ადიდა საბჭოთა წყობილება, ამაგა და გაკიცხა «კაპიტალისტური სისტემა». თითოეულ სიტყვაში მან არ დაიცვა უბრალო რიგიანობა, თავაზიანობა, მუქარა, ლანძვაცაგება, გაკიცხვა, დაცინვა თავისუფალ ქვეყნების მეთაურების და მათი საქმიანობის. არავის ანსოვს საერთაშორისო ასპარეზზე ასეთი დეგრადაცია ტრადიციულ ნორმების და წესების, რასაც შემოაქვს ერთა დამოკიდებულებაში უნდობლობა, უპატივცემულობა და სიტყვის გატეხა. ამ ამორალურ ყოფაქცევას სამართლიანათ უწოდა საფრანგეთის გამოჩენილმა სოციალისტმა ჟულ-მოკმა «ხულიგანოკრატია».

ბრუშჩოვისთვის, რასაკვირველია, ყველა საშვალელები მისაღებია, დღეს მუქარა, ხვალ ღიმილი, ზეგ იარალის ჩხარუნი, ხოლო შემდეგ გააფთრებული პროპაგანდა დაძმობილებისა და თანაარსებობის დასამკვიდრებლათ. ბოლშევიზმს

თავის მეთოდებისთვის არასოდეს უღალატნია და არც დღეს დალატობს. სტალინის სიკვდილის შემდეგ ახალი პოზიციების აღება შეუძლებელი იყო მუქარით, მან აირჩია გზა ღიმილის. იბრძოლა უმალდეს კონფერენციის მოსაწვევად. მას ქონდა თავისი გეგმა განსახორციელებელი. ბერლინის საკითხის მოგვარება ისე როგორც მას სურდა, ატლანტიკის კავშირის დანგრევა, მაგრამ, როცა თავისუფალ ქვეყნების ხელმძღვანელობამ მტკიცე ფრონტი შექმნა და მოსკოვთან სადაო საკითხები წინასწარ მოამზადა და ისე წარსდგა კონფერენციაზე — ხრუშჩოვმა იგი ჩაშალა. ეს იყო არსებითად დიდი მარცხი მოსკოვის, რომელიც მოელოდა დიდ შედეგებს თავის სასარგებლოდ.

დაიწყო ისევ მუქარა და შემოტევა. იაპონია-ამერიკის მეკვიდრობის ჩასაშლელად მასიური გამოსვლები რათა ამერიკას აზიის ქვეყნებში სახელი გაუფუჭონ და მით შორეულ ალმოსავლეთში მოშალონ თავდაცვითი ფრონტი. ხრუშჩოვის განცხადება, რომ საბჭოთა რუსეთი ცეცხლთა და მახვილთა დაიკავს კუბას, აშკარად მოწმობს ამერიკის განდევნის ცდას ლათინურ ქვეყნებიდან და იქ ბაზების შექმნას წყალქვეშა ნაევებისთვის...

მიანიჭა თუ არა დამოუკიდებლობა ბელგიამ კონგოს მაშინვე იქ გაჩნდნენ მოსკოვის აგენტები და ანარქიის ცეცხლი დაანთეს. მოხდა მოულოდნელი ამბავი. ოცდაათი წლის ოფიცერმა პანდური ამოჰკრა საბჭოთა სახელმწიფოს ელჩს — ეს არის უდიდესი მარცხი სტრატეგიული და მორალური, რომელიც მოსკოვმა იგემა...

ხრუშჩოვმა ბრძოლა ერთა კავშირის ყრილობაზე გადაიტანა და წარადგინა პროექტი მისი რეორგანიზაციის, აქაც მან განიცადა მარცხი, — მისმა მიტინგურმა გამოსვლამ დასავლეთის ქვეყნების გაკიცხვამ და უმთავრესად ახლად მიღებულ აფრიკის ქვეყნებისადმი ქათინაურებმა არ გასურა...

საერთაშორისო ორგანიზაცია უფრო სპირდებათ სწორეთ ამ მცირე ახლად მიღებულ ერებს, რომლებიც მასში ხედავენ ერთგვარ გარანტიას თავიანთ დამოუკიდებლობის არსებობისას. მათ სრულებით არ სურთ მოსკოვის მფარველობის ქვეშ ამოჰყონ თავი.

ხრუშჩოვის ისტერიულ გამოსვლებმა თუ მთლიანად ვერ განკურნა დასავლეთის საზოგადოებრივი აზრი, უსათუოდ ხელი შეუწყვეს მოსკოვის ნამდვილი განზრახვების გარკვევას...

უკანასკნელად საფრანგეთ-გერმანიას შორის მომხდარ გაუგებრობამ უდიდესი იმედი დაუბადა მოსკოვს, როგორც ატლანტიკის კავშირის ისე ევროპის მთლიანი ფრონტის ჩასაშლელად. მოსკოვის იმედი უსაფუძვლო გამოდგა, ახლმა მოლაპარაკებამ გერმანია-საფრანგეთს შორის კავშირი კიდევ უფრო განამტკიცა და მით ევროპის თავდაცვითი ფრონტი გაამაგრა.

ა. ბადროძე.

306 ამახინჯავს საქართველოს ისტორიას?

(ამოღებულია რადიო «თავისუფლების» გადაცემებიდან)

გაზეთმა «პრავედამ» 1959 წ. 10 ნოემბერს დაბეჭდა და ქართულმა «კომუნისტმა» მეორე დღესვე გადაბეჭდა მეთაური, რომელშიც ვკითხულობთ: «საქართველოს სსრ გამომცემლობანი უშვებენ ბევრ წიგნს, რომლებიც მიძღვნილია საქართველოს შორეული წარსულისადმი და რომლებშიც იდეალიზებულია მისი ისტორიის ფეოდალიზმამდელი და ფეოდალური პერიოდები». ამას მკაფიანადვე გამოეხმაურა და ერთი აღიარებითი ასტეხა თავისი მომავლინებელი მოსკოვის ბატონების გულის მოსაგებად. აი ამიტომ არ გვინდა უპასუხო დეტალოვთ ეს ამბავი!

როგორც ხედავთ, წამოყენებულია ორი ბრალდება: ერთი ის, რომ ქართველები ბევრ წიგნს უშვებენ თავისი წარსულის გასაშუქებლად; მეორე ის, რომ ამ წიგნებში «იდეალიზებულია» მთელი წარსული ისტორია საქართველოსი. ჩვენ ვამბობთ მთელი წარსული, რადგან ფეოდალიზმამდელი და ფეოდალური პერიოდების გარეშე დარჩენილია სულ დიდი 100 უკანასკნელი წელი ბატონყმობის გადავარდნიდან.

მაგრამ ახლა ვიკითხოთ რით არის ცუდი, თუ ერთი, რომელსაც მრავალი ათასი წლის ისტორია აქვს; თუ მეტიც არა, 1500 წლის მწიგნობრობა გააჩნია, თავისი კულტურის «ოქროს ეპოქაც» ჰქონდა, და გენიალური ნაწარმოებებიც შეუქმნია და სხვა—თავისი წარსული გაარკვიოს, თავის ისტორია დააშუშოს და მასში ერის ერთგულ შვილებს დაანახვოს ერთგული ღირსების გამომსახველი, ქართული ხასიათის გამომჟღავნებელი მოვლენები! მასში დაანახვოს შოთას ზოგად-ადამიანური ძმობა, მეგობრობა, გამტანობა და სიყვარული, დღევანდელ საკაცობრიო იდეალებსაც რომ ეხმაურება! რასაკვირველია, ვისაც ასეთი ხანგრძლივი და მდიდარი ისტორია აქვს, ბევრი წიგნის გამოცემაც დასჯირდება მის გასაშუქებლად! განა ეს დასაძრახია?

მეორე ბრალდებაა ამ წარსულის იდეალიზაცია. ჩვენც ვფიქრობთ, რომ ისტორიკოსმა არ უნდა გადააპარბოს, ობიექტივობა უნდა დაიცვას. მაგრამ ჩვენ შეგვიძლია თამამად ვთქვათ, ამ მხრივ არც ერთი ქართული ისტორიული ნაშრომი, გარდა კომუნისტურისა, არ შეგვხვედრია, რომელიც გადააპარბებულ ან დამახინჯებულ სურათებს იძლეოდა. მით უმეტეს არსად გვინახავს ფეოდალიზმის ქება. პირდაპირ სასაცილოა! აბა, მე-20 საუკუნეში ვინ იფიქრებს ბატონყმობის იდეალიზაციას? პირიქით, ვინ არ იცის, რომ ფეოდალურმა დაქუცმაცებამ და კინკლაობამ ბევრი ზიანი მიაყენა ჩვენს ქვეყანას! მაგრამ ეს ფეოდალური წყობილება რომ არ ჰკავდა აღმოსავლურს, არც საქართველოს მეზობლების წყობილებას რუსეთის ჩათვლით, და სამაგიეროდ თითქმის პირწმინდათ, დეტალებშიც კი, ჰქონდა მსგავსება დასავლეთ ევროპულ ფე-

ოდალიზმთან,—ეს ხომ დღეს სადაო აღარ უნდა იყოს! არც ის, რომ ქართული ფეოდალიზმი სრულიად დამოუკიდებლად განვითარდა ევროპულისაგან. ამას ამოწმებს ყველა ევროპიელი მოგზაური, რომელსაც ჩვენი ქვეყანა უნახავს წარსულ საუკუნეთა განმავლობაში. ქართველი ხალხი რომ დღესაც მიისწრაფის ევროპის კულტურისაკენ, რომელიც უფრო ეგუება მის ბუნებას და ისტორიულ კულტურას,—ეს ხომ არ უწევას გულს მოსკოვის კომუნისტებს?

მაგრამ განა ერს არ აქვს უფლება ჰქონდეს ეროვნული თავისებურებანი? რასაკვირველია, აქვს. და ეს უნდა გამოავლინოს ობიექტურმა ისტორიკოსმა.

მაგრამ საქმე იმაშია, რომ ეს არ შეესაბამება საბჭოთა მთავრობის პოლიტიკას! და ეს მთავრობა ისტორიკოსისაგან ამ პოლიტიკის გამართლებას მოითხოვს წარსულის გაშუქებაშია. ამ მოთხოვნას გულმოდგინედ ასრულებენ რიგი და რიგი კომუნისტი ისტორიკოსები და მწერლები, როგორც, მაგალითად, ნუსაპურიძე და ძმანი მისნი. საბჭოთა მთავრობის გულის მოსაგებად ისინი პროგრესისტებად აცხადებენ ყველა იმას,—თუნდა ფეოდალურ მეფეებსაც,—რომელნიც რუსეთისაკენ იხედებოდნენ, აკრიტიკებენ ან მალავენ ისეთ ფაქტებს, რომელნიც საქართველოს ევროპულ მიდრეკილებას ამჟღავნებენ. თვით საქართველოს ძალადობით რუსეთთან შეერთება, დადებული მფარველობითი ხელშეკრულების ცალმხრივად დარღვევა, საქართველოს სახელმწიფოს გაუქმება, მისი უბრალო გუბერნიებად გადაქცევა—დიდ პროგრესულ მოვლენად არის მათგან მიჩნეული. ჩვენ წარსულ ისტორიას ლენინიზმის სქემების მიხედვით აგებენ. მაგალითად ეკონომის, სარწმუნოების როლს ამცირებენ, თუმცა სარწმუნოება ჩვენს ისტორიულ წარსულში გაბატონებულ საზოგადოებრივ მსოფლმხედველობას წარმოადგენდა და ძალიან ხშირად დიდ პროგრესულ როლსაც ასრულებდა!

მაგრამ სწორი შეფასება ისტორიისა—არ შეეფერება კომუნისტების დღევანდელ პოლიტიკას, ეკონომის დევნას, უფროსი ძმის უანგარო დახმარების თეორიას, რუსეთის კავკასიაში და კერძოდ საქართველოში შემოჭრის პროგრესულობას. ამ უკანასკნელი დებულების წამოყენებაში მარქსის აზრს მაინც უნდა შეეჩერებინა კომუნისტი კალმოსნები! მარქსი ხომ თავის დროზე მთელ ევროპას შელალადებდა, რომ კავკასიის დაპყრობის წინააღმდეგ ამოედოთ ხმა და გმობდა მათ გულქვაობას ამ უსამართლობის დაუგმობლობისათვის! უნდა შეეჩერებინა, მაგრამ ვერ შეაჩერა! მოსკოვის კომუნისტების ისტორიული კონცეპცია მათი დღევანდელი იმპერიალიზმის გასამართლებლად ცდილობს ჩვენი ერის ისტორიული მოვლენებიც მოიშველიოს და მათი გადამახინჯებაც ამიტომ შედის მათ პროგრამაში. ამავე მიზნით თვით მარქსის კონცეპციასაც ივიწყებენ და უარყოფენ!

ჩვენი ხალხი ამას კარგად ხედავს! ჩვენ კი აქ გვინდა მის მაგიერ ვუთხრათ ახალ იმპერიალისტებს:

კომუნისტების უდიდესი ბოროტებაა და ჩვენ ერს გამოუსწორებელ შეურაცხყოფას აყენებს ის, რომ მას გარედან უკარნახებენ, თუ როგორ უნდა წეროს და შეაფასოს თავისი ქვეყნის თავგადასავალი. ქართველ ერს აქვს უფლება იამაყოს თავისი ისტორიით, კულტურით და მომავალს იმედით შეპყროს! მოსკოვს ამასთან აბა რა ხელი აქვს!

მორის შუმანი

საქართველოს შესახებ

«Le Journal Parlement»-ში 19 ოქტ. 1960 წ. № 958 დაიბეჭდა საფრანგეთის საგარეო საშინისტროს კომისიის თავმჯდომარის—ბ-ნ მორის შუმანის წერილი, რომლის თარგმანსაც აქვე ვათავსებთ:

«იმ დროს, როდესაც ბ-ნი ხრუშჩოვი გაერთიანებულ ერების გენერალურ კრების ტრიბუნაზე ფეხსაცმელს იხდიდა, საბჭოთა დელეგატმა კომისიაში გააკეთა საფრანგეთისადმი შეურაცხყოფელი განცხადება, რამაც გამოიწვია ჩვენი წარმომადგენლის—მიშელ დე კამერეს შემდეგი რეპლიკა: «გთხოვთ ბატონო თავმჯდომარე, გაახსენოთ საბჭოთა რუსეთის წარმომადგენელს; რომ როცა პუნგრელი სტუდენტები, საბჭოთა ჯალათების მიერ ტყვეით განგმირულნი სულს ლევდენ, მარსელიოზას მღეროდნენ».

ეს ინციდენტი არ მოითხოვდა კომენტარის, რომ შეურაცხყოფელი, მოსკოვის მსახური არ ყოფილიყო ვინმე კუქავა, რომელიც უწოდებს თავის თავს საქართველოს საგარეო მინისტრს.

არ იქნება უსაფუძვლო მოვაგონოთ «მაღალ ღირსების პიროვნებას», რომელიც ლაპარაკობს «კოლონიალურ ჩაგვრაზე», «იმპერიალიზმის ტირანიაზე», რომ დამოუკიდებელი საქართველოს რესპუბლიკა, მართლაც, ქრონოლოგიური აღრიცხვით, გახდა პირველი მსხვერპლი ნეოკოლონალიზმის, რომლის გახსენება ფეხსაცმელებს ახდევინებს ბ-ნ ხრუშჩოვს.

1918 წელს 26 მაისს, საქართველომ, ისარგებლა რა რევოლუციით, გამოაცხადა თავის დამოუკიდებლობა. 7 მაისს 1920 წელს მოსკოვმა იცნო საქართველოს რესპუბლიკის მთავრობა და დასდო მასთან სამშვიდობო-თავდაუხსნელობის ხელშეკრულება. 1921 წელს თებერვალში საბჭოთა ჯარები ომის გამოუცხადებლათ, შეესია საქართველოს და ექვსი კვირის განმავლობაში უთანასწორო ბრძოლაში დაიპყრო.

პრეზიდენტ ნოე ჟორდანიას ნაციონალური მთავრობა, რომელიც მოკავშირეებისაგან იყო ცნობილი, და რომელმაც წარმოგზავნა პარიზში მისი სრულ უფლებიანი მინისტრი, მიმართა თხოვნით ევროპის დემოკრატის—დაიცვან დაჩაგრული ქართველი ერის უფლება.

პირველი ვინც აღიმადლა ხმა იყო ედუარდ ერიო, რომელსაც მთავრობის თავმჯდომარე—რაიმონ პუანკარე ასე გამოეხმაურა მას: «პატივცემული ბ. ნი. ერიო, საესებით გამოხატავს სურვილს ჩვენი მთავრობისას, რომელმაც არა ერთხელ მოახსენა ეს ჩვენი აზრი საქართველოს სახელმწიფოს წარმომადგენელს, რომელთანაც ჩვენი საგარეო სამინისტრო მუდმივ კონტაქტშია».

მეორე სოციალისტურმა ინტერნაციონალმა თავის მხრივ 2-დან 5 აპრილამდე 1922 წ. პიერ რენოდელი და ემილ ვანდერველდე უშედეგოთ შეეცადენ შეთანხმებას ბერლინში მესამე ინტერნაციონალის წარმომადგენელთან—ბ. ნ. რადეკთან, რომ მოეხდინათ საქართველოში პლებისციტი შერეული კომისიის მეთვალყურეობით, რაზედაც რადეკმა ცინიკურად განუმარტა სოციალისტების ლიდერებს, რომ საქართველო წარმომადგენს მათთვის მეტად დიდ მნიშვნელოვან ქვეყანას, რადგან ის გზა და ხიდია კავკასიის ნავთისო.

ერთა ლიგამ ორჯერ მოუწოდა მის აღმასრულებელ ორგანოს: ახლა ედევნებიან თვალ-ყური საქართველოს ვითარებისათვის.

გამბურგში მუშათა სოციალისტურმა მეორე ინტერნაციონალის კონგრესმა მოითხოვა საბჭოთა ჯარების ევაკუაცია საქართველოდან და ქართველი ერის სუვერენული უფლების აღდგენა. რასაკვირველია, ამ მოწოდებას არავითარი გამოძახილი არ გამოუწვევია. მაგრამ, მიუხედავად ამისა, ქართველი ერი არ დაემორჩილა თავის მწარე ბედს და 28 აგვისტოს 1924 წელს საქართველოში მოხდა ეროვნული აჯანყება, რომელიც მოსკოვმა სისხლში ჩაახრჩო. წლები განმავლობაში ყველა თავისუფალი ქვეყნების დემოკრატები და სოციალისტები ამათ აღნიშნავენ საქართველოს წამებას. ეს მოგონებები საბაბს გვაძლევს დროულათ ჩავთვალოთ დამოუკიდებელი ბ. ნ. კუჭავას, რომ ის ალბათ ისევე არის უფლებამოსილი ილაპარაკოს საქართველოს ხალხის სახელით, როგორც კადარი უნგრეთის სახელით, რომელიც ალბათ შენო გვთავაზებს რეფერენდუმის მოწყობას აღეიროში ინტერნაციონალური კომისიის კონტროლის ქვეშ. უნდა მას შევეკითხოთ: რომ მოსკოვს ასეთივე პროცედურა განეხორციელებინა 1972 წელს საქართველოში, თუ იქნებოდა ბ. ნ. კუჭავა დღეს აქ წარმოდგენილი საქართველოს საგარეო მინისტრის ტიტულით? მაგრამ ამ საქმის გაკეთება არც დღეს არის დაგვიანებული.

რას ფიქრობს ბ. ნ. რიშეკიმ ხაპა, რომელმაც 10 ოქტომბერს ერების გაერთიანებულ კრების ტრიბუნიდან ასეთი მიმართვა გააკეთა: ბატონო დელეგატებო, თქვენს ქვეყანაში რომ თავისუფალი არჩევნები მოხდეს, რამდენი თქვენთაგანი იქნებოდა ამ სხდომის მონაწილედ წარმოგზავნილი?»

რასდენ არსენიძის იუბილე.

საქართველოს სოციალდემოკრატიული მუშათა პარტიის ცნობილ მოღვაწეს, დამოუკიდებელ საქართველოს იუსტიციის მინისტრს და რადიოსადგურ «თავისუფლებებს» ქართული რედაქციის მთავარ რედაქტორს რაქდენ (იგივე მიშა) მათეს ძე არსენიძეს ამა წლის 14 ოქტომბერს შეუხსრულდა ოთხმოცი წელი.

ამ მნიშვნელოვანი თარიღის აღსანიშნავად ქ. მიუნხენში გამართულ იქნა ორი იუბილე. პირველი გამართა ბოლშევიზმის წინააღმდეგ ბრძოლის ამერიკული კომიტეტის წარმომადგენელმა ევროპაში ბ-ნმა კელიმ 28 სექტემბერს, ვინაიდან ძველი სტილით დათარიღებისა და სხვა პრაქტიკული მიზეზით რ. არსენიძე ოფიციალურად ითვლება 28 სექტემბერს დაბადებულად. მეორე კი გამართა რადიოსადგურ «თავისუფლების» ქართულმა რედაქციამ, რომელმაც მოიწვია მთელი ადგილობრივი ქართველობა, ფაქტიურ დაბადების დღესთან დაკავშირებით, კვირას 16 ოქტომბერს.

ბნმა კელიმ მოიწვია რ. არსენიძის იუბილენედ მიუნხენის ერთ-ერთ ცნობილ რესტორანში ვახშმად ამერიკული კომიტეტის უმთავრესი ადგილობრივი თანამდებობის პირები და რადიოსადგურ «თავისუფლების» ყველა ეროვნული რედაქციის მთავარი რედაქტორები. ქართული რედაქციისგან მიწვეულ იქნა გარდა თვით იუბილარისა მისი თანაშემწე რედაქტორი ნიკო იმნაიშვილი.

ბნმა კელიმ გახსნა იუბილე და წარმოთქვა მოკლე მაგრამ შინაარსიანი და თბილი გრძნობებით გამსჭვალული სიტყვა, რომლითაც აღნიშნა რ. არსენიძის დიდი ღვაწლი რადიოსადგურ «თავისუფლების» და ამერიკული ინსტიტუტის მუშაობაში. შემდეგ სიტყვები წარმოთქვეს რადიოსადგურ «თავისუფლების» სხვა მაღალი თანამდებობის პირებმა, და მთავარმა რედაქტორებმა. რადიოსადგურის ვიცე დირექტორმა ქ-ნმა განტერმა და პოლიტიკური განყოფილების მრჩეველმა ბ-ნმა მალამუტმა, რომელნიც მიუნხენში არ იმყოფებოდენ, გამოუგზავნეს იუბილარს წერილობითი მილოცვები. ქართველი თანამშრომლების, მეგობრების და პატივისმცემლების სახელით სიტყვა წარმოსთქვა ნიკო იმნაიშვილმა, რომელმაც დაახასიათა იუბილარის მთელი ნაყოფიერი საზოგადოებრივი-პოლიტიკური და ჟურნალისტური მოღვაწეობა, მისი ფასდაუდებელი ღვაწლი მშობელი ერის და აგრეთვე სხვა ერთა მიმართ.

ბოლოს იუბილარმა წარმოსთქვა მეტად გრძნობიერი სამადლობელი სიტყვა.

მთელი საღამო ჩატარდა უაღრესად მნიარულ და სასიამოვნო ატმოსფეროში.



30272

16 ოქტომბერს ქართველი საზოგადოება შეიკრიბა სასტუმრო «ლეპოლდში», სადაც ის სადილზედ მიიწვია რადიოსადგურ «თავისუფლების» ქართულმა რედაქციამ. რედაქციის სახელით საზეიმო კრება გახსნა მოსე იმნაიშვილმა, რომელმაც მოკლე სიტყვით აღნიშნა იუბილარის ღვაწლი ქართველი ერის და საქართველოს სოციალდემოკრატიული პარტიის, როგორც სახალხო პარტიის წინაშე. მანვე გააცნო კრებას იუბილარის სახელზე მოსული მილოცვები.

სახელდობრ, საფრანგეთიდან:

ნოე ცინცაძისგან ქართული ეროვნული საბჭოს სახელით, ლევან ფალავასგან ქართული სათვისტომოს სახელით,

შალვა აბდუშელის და პავლე სარჯველაძისგან საქ. ს.-დ.

მ. პარტიის საზღვარგარეთელი ბიუროს სახელით, ნიკო ურუშაძის და ფილიპე შარაძისგან საქ. სოც.-ფედ. პარტიის საღვარგარეთელი ბიუროს სახელით, ნიკო ორაგველიძის და გრიშა წერეთლისგან საქ. ს.-დ. მ. პარტიის ორგანიზაციის სახელით, ილიკო სალუქვაძისგან სოშოს სოც.-დემ. მუშ. პარტიის ორგანიზაციის სახელით,

გ. ერაძისგან, მ. ბერიშვილისგან და ის. ქარსელაძისგან;

გერმანიიდან:

ქ-ნ პელო გეგელაშვილისგან,

ქ-ნ თამარ გეგელაშვილ-გრუნვალდისა და მისი მეუღლის გერპარდ გრუნვალდისგან (აუგსბურგი),

გ. საჯაია, კ. ვეკუა და დ. ბერძენიშვილისგან (ბერლინი), დავით ვაჩნაძისგან,

ქ-ნ მარგა კორძაიასგან (მიუნხენი).

გიორგი ვეფხვაძისგან (მიუნხენი);

შვეიცარიიდან:

გრიგოლ რობაქიძისგან (ჟენევა),

კიტა ჩხენკელისგან (ციურხიხი),

ლეა ფლურისა და იოლა მარშევისგან (ციურხიხი);

ავსტრიიდან:

ერეთეოზ რამიშვილისგან (ზალცბურგი).

მილოცვების წაკითხვის შემდეგ ზეიმის ხელმძღვანელობა და თამაძობა დაევალა პროფესორ მიხეილ ანმეტელს, რომელმაც აღნიშნა პირადი მოგონებების სახით რაჟდენ არსენიძის მრავალმხრივი ნაყოფიერი მოღვაწეობა.

შემდეგ იუბილარს მიესალმენ: ვანო ანდრონიკაშვილი, როგორც გერმანიაში მყოფ ქართველთა სათვისტომოს თავმჯდომარე, და ვალ. ცხომელიძე «თეთრი გიორგის ორგანიზაციის» სახელით. შემდეგ სიტყვები წარმოსთქვენ კარლო ინა-სარიძემ და ნიკო იმნაიშვილმა.

იუბილარის გრძნობიერი სამადლობელი სიტყვით დამთავრდა სასიამოვნო ატმოსფეროში ჩატარებული ქართული ზეიმი.

ნ. ი.

პარიზის ბლოკის მოწოდება.

ამა წლის 15 ოქტომბერს ნიუ-იორკში ლიგამ საბჭოთა ერების განთავისუფლების (პარიზის ბლოკი) გადასცა გაერთიანებულ ერების ორგანიზაციის გენერალურ კრების თავისუფალ ერების დელეგატებს მოწოდება, რომელსაც აქვე ვათავსებთ შემოკლებით.

«აღმოსავლეთის უსახლვრო სივრცეზე გაიშალა და გავრცელდა მეოცე საუკუნის ახალი უზარმაზარი კოლონიალური იმპერია—«საბჭოთა კავშირი», სადაც მოსკოვის დიქტატურის ქვეშ ბინადრობენ მრავალი ერები, რომელთაც თავისუფალი ქვეყნები იშვიათად თუ გაიხსენებენ ხოლმე...

ეს ერები არსებობდნენ როგორც დამოუკიდებელი თავისუფალი დემოკრატიული სახელმწიფოები, ბევრი მათგანი საერთაშორისო უფლებებით ცნობილნი. ერები დიდი ისტორიული წარსულით და კულტურით. რუსეთში ბოლშევიკურ გადატრიალების შემდეგ, მოსკოვის წითელი ლაშქარი შეესია ამ თავისუფლების მოტრფიალე ხალხს თვითეულს ცალკე და მიუხედავად ერების თავგანწირული, გმირული წინააღმდეგობის, უხეში ძალის წინ, უთანასწორო ბრძოლაში დაეცნენ და მათი ქვეყნები ძალმომრეობით იქნენ დაპყრობილნი: სომხები და აზერბაიჯანელები, ქართველები და ჩრდილ-კავკასიელები, ბელარუსები და უკრაინელები, თურქესტანელები და თათარ-ბაშკირები (იდელ-ურალი), ყაზახები და ყირიმის თათრები.

ამ ტყვეთ მყოფ ერების სახელით, ვისაც წართმეული აქვს ყოველგვარი მოქალაქობრივი უფლებანი და დესპოტიურ რეჟიმის გამო ვერ ახერხებენ თავიანთ დუხჭირის თავისუფლად საქვეყნოთ გამოთქმას, მაგრამ, რომლებიც განუწყვეტლივ ატარებენ ურყევ ლტოლვას მონობიდან თავის დასახსნელათ, ლიგა საბჭოთა კავშირის ერების განთავისუფლების (პარიზის ბლოკი) მოგმართავთ გაერთიანებულ ერების გენერალურ კრების თავისუფალ ერების დელეგატებს.

ჩვენ დროის ისტორიული ამბები ისე დალაგდა, რომ ამ საკაცობრიო, სათნო, ჰუმანიურ მიზნების მატარებელ დაწესებულებაში თქვენს წინაშე წარმოსდგება უზურპატორი და დიქტატორი, წითელი ქურუმებით გარს შემორტყმული, რომელთა შორის იმყოფება ადამიანი, რომელმაც თავის მოსკოველ პატრონთან ერთად დაიმსახურა საქვეყნო სახელი თავის ერის სისხლიანი ჯალათის. ეს კი უნდა აღინიშნოს, როგორც უდიდესი შეურაცყოფა უმაღლესი შეკრებულობის,—შებლავა მისი მაღალი ღირსების და მორალის.

თქვენ გეახლებათ ბატონი ხრუმწოვი ხელში მშვიდობიანობის ემბლემით, მშვიდობიანობის მანტიაში გახვეული, საერთო განიარაღების პროექტით. ჩვენ ღრმად ვართ დარწმუნებული, რომ თქვენ დიდ ყურადღებას მიაქცევთ მის მიერ

წარმოდგენილ წინადადებებში ერთ მეტად მნიშვნელოვან არსებით მხარეს, სახელდობრ იმას,—მათი პროექტი თუ ითვალისწინებს საოკუპაციო ჯარების გაყვანას ჩვენი ქვეყნების ტერიტორიებიდან. ვინაიდან ჩვენ არ წარმოგვიდგენია ერებ შორის მშვიდობიანი თანაარსებობის დამყარება, თუ მას წინ არ უძღვის ოკუპაციამდე არსებული პირობების აღდგენა.

სამწუხაროდ, მაგალითი ჩვენი ქვეყნების, რომლებიც განიცდიან საბჭოთა კავშირის იმპერიალიზმის კოლონიალურ მძიმე ჩაგვრას, ჩვენ გვაძლევს საბუთს მივაქციოთ ყურადღება თავისუფალ ქვეყნების პასუხისმგებელი წარმომადგენლების, უმთავრესად კი იმ ერების, რომლებმაც მოიპოვეს თავისუფლება და დამოუკიდებლობა უკანასკნელი ომის შემდეგ კოლონიალიზმიდან თავის დახწევით.

თავისუფალ კაცობრიობას თავს დასტრიალებს საფრთხე ტოტალიტარული მოსკოვის, მისი ახალი იმპერიალისტური ტიპის კოლონიალიზმით, რითაც უკანასკნელ ომიანობის დროს იმსხვერპლა ერები: ჩრდილო-კავკასიაში ჩეჩნები და ინგუშები, ყირიმში თათრები, რომლებიც მთლიანათ აყრილნი და გადასახლებულ იქნენ ციმბირში. მათი ავტონომიური რესპუბლიკები კი ერთი კალმის მოსმით «გაუქმებულნი».

ერების მთლიანათ მოსპობა, აი რა ახასიათებს რუსეთის კომუნისტური მართველობის ახალ სასტიკ ფორმას კოლონიალიზმისას, რასაც ფარულად და აშკარად ანხორციელებს საბჭოთა იმპერიალიზმი. მასიური ძალდატანებითი გადასახლება, ერების ერთმანეთში აღრევა გარდაიქცა მათ პოლიტიკურ სისტემათ, რაც ემუქრება პატარა ერებს სრულიად მოსპობით. საბჭოთა იმპერიის შიგნით ყოველი მცირეოდენი გამოხატულება ნაციონალური ლტოლვის სასტიკათ იდევნება. სამაგიეროთ გარეთ მოურიდებლათ და წარბშეუხრელათ გამოდის ყველა დაჩაგრულ ერების გამანათავისუფლებლის როლიში. მისდევს რა ლენინის და სტალინის ნაანდერძევ გზას საქვეყნო რევოლიუციის უმაღლესი შტაბი—კომუნისტური პარტია, მეტად ხელოვნურად იყენებს დაჩაგრულ ერთა განთავისუფლების ლოზუნგებს, როგორც საუკეთესო იარაღს მთელი ქვეყნის გასაბჭოებებისათვის. მათ მიერ განთავისუფლებული ერები ნებით თუ ძალით მოექცევიან საბჭოთა იმპერიის ბრჭყალებში. ასეთი გზა გაიარეს შუა აღმოსავლეთ ევროპის ერებმა, ასეთივე ბედს უმზადებს მოსკოვი სხვა ერებსაც, რომლებიც არ მიაქცევენ ყურადღებას სხვა ერების წარსულ გაკვეთილებს და გულუბრყვილო ნდობით შეხვდებიან მოსკოვის გამოწვეულ ხელს დახმარებისათვის.

ჩვენ დიდ იმედს გამოვთქვამთ, რომ ჩვენი ეს მოწოდება გულწრფელი თანაგრძნობით იქნება მიღებული რომ დაეხმარონ ჩვენს ერებს მათ სამართლიან ნაციონალურ მისწრაფებებში!—ძალით მოტაცებულ დამოუკიდებლობის და თავისუფლების აღსადგენათ.»

საბჭოთა კავშირის ერთა განმათავისუფლებელ ლიგის
წლიური კონფერენცია (პარიზის ბლოკი).

ქ. მიუნხენში ოქტომბრის 30-დან 2 ნოემბერს ჩატარდა პარიზის ბლოკის წლიური კონფერენცია ეს ბლოკი ამჟამად აერთიანებს საბჭოთა კავშირის მიერ დაპყრობილ თუ შიგ მოქცეულ ერების გადმოსვენეწილობაში მყოფ ცხრა ეროვნულ-პოლიტიკურ ცენტრს. კავკასიელ ერებთან ერთად მასში შედის უკრაინელები, ბელორუსები, ყირიმელები, თურქესტანელები და იდელ-ურალი. დელეგატები ჩამოვიდნენ ევროპის, აზიის თუ ამერიკის ყველა კუთხიდან, სადაც პოლიტიკურ ემიგრაციას შეუქმნია ეროვნული ცენტრი. გაერთიანებულ ქართულ ეროვნულ საბჭოს საწელით კონფერენციის მუშაობაში მონაწილეობას იღებდა ბ. ნ. ცინცაძის თავმჯდომარეობით შემდგარი დელეგაცია, რომელშიაც შედიოდნენ ბ. ნ. რ. არსენიძე, ნ. ურუშაძე და დ. კლდიაშვილი.

კონფერენციის პრეზიდიუმში არჩეულნი იქმნენ შემდეგი პირნი: ჩრდილო-კავკასიელი ბ. ა. კანტემირი თავმჯდომარეთ, უკრაინელი პროფესორი იურჩენკო მის მოადგილეთ, მდივნათ ნ. ურუშაძე.

კონფერენციამ პირველ დღეს მოისმინა ლიგის მორიგი თავმჯდომარის ბ. ნ. აბრამჩიკის წლიური მოღვაწეობის ანგარიში. იმავე დღეს მოსმენილი იქმნა აგრეთვე ბ. ნ. ცინცაძის მოხსენება საკონტაქტო კომისიის მუშაობის შესახებ.

მეორე დღეს კონფერენციამ მოისმინა უკრაინელ პროფესორ ფედენკოს მოხსენება შემდეგ თემაზე: «თავისუფალი დასავლეთი და საბჭოთა კავშირის ერები».

ყველა ამ მოხსენებების გარშემო გამართულ კამათსა და აზრთა გაცვლა-გამოცვლის შემდეგ, კონფერენციამ მიიღო ბ. ნ. ცინცაძის მიერ წარდგენილი პოლიტიკური რეზოლუცია^{*)}.

სხვადასხვა საკითხების განხილვის და რიგ დადგენილებათა მიღების შემდეგ, კონფერენციამ აირჩია ლიგის ხუთ წევრისაგან შემდგარი პრეზიდიუმი, რომელშიაც შევიდა ბ. ნ. ცინცაძე. წესდების მიხედვით ლიგას ჰყავს თავისი კომიტეტი, რომელიც შესდგება ეროვნულ ორგანიზაციის თითო წარმომადგენლისაგან. ქართულ დელეგაციიდან იქ წარგზავნილი იქმნა ბ. ნ. რ. არსენიძე, მის მოადგილედ კი ბ. ნ. ვ. ცხომელიძე.

დამსწრე.

^{*)} ეს რეზოლუცია დაიბეჭდება «ჩვენი დროშა»-ს მომავალ ნომერში.

კოსმოსისგან დაპყრობილ ერთა

კვირა ამერიკაში.

გასულ წელს, ამერიკის კონგრესის მიერ გამოცემულ კანონის თანახმად—საბჭოთა რუსეთისგან დაპყრობილ ერთა კვირა—წელს ჩატარებულ იქნა 17—24 ივლისს.

ამერიკის სხვადასხვა შტატების მართველთაგან წინასწარ იქნა გამოცემული მოწოდებები, სადაც ახსნილ-განმარტებული იყო ამ უდიდეს პოლიტიკურ აქტის მნიშვნელობა.

შეერთებულ შტატების პრეზიდენტმა ეიზენჰაუერმა გამოსცა მიმართვა, სადაც აღნიშნულია დაპყრობილ ერთა ბედი და ამერიკის ხალხთა დაპირება დაპყრობილ ერთა განმათავისუფლებელ ბრძოლაში დასახმარებლად.

ყველა დიდ ქალაქში მოხდა მიტინგები, სადაც სიტყვებით გამოდიოდნენ გამოჩენილი პოლიტიკური მოღვაწენი და კიცხავდნენ საბჭოთა იმპერიალისტურ პოლიტიკას და აღუთქვამდნენ მებრძოლ ერებს დახმარებას.

გაზეთებმა წინასწარ ამცნეს საზოგადოებას—კვირის—პროგრამა და დაახასიათეს მისი მნიშვნელობა.

17 ივლისს ყველა ეკლესიებში გადახდილი იქნა პარაკლისი.

ნიუიორკის დიდ ტაძარში გამოცხადდნენ დაჩაგრულ ერთა დელეგაციები—ნაციონალური დროშებით. მრავალრიცხოვან დამსწრეთა წინაშე რექტორ ზიტონგოლმა—წარმოსთქვა შინაარსიანი სიტყვა. მან მოუწოდა მთელ განათლებულ კაცობრიობას მხარი დაუჭიროს დაჩაგრულ ერთა ბრძოლას.

ჩვენ ვსლუბდით ამდენხანს ამ ერთა ბედის შესახებ—ამიერიდან ის უნდა გახდეს მთელი თავისუფალი ქვეყნიერების საზრუნავი და მოსკოვთან ყოველგვარ ზოლაპარაკების დროს მისთვის—არა მარტო გასახსენებელი,—არამედ პირობა რომ ამ ერთა განთავისუფლების გარეშე—შეუძლებელია მოსკოვთან რაიმე შეთანხმებაზე ლაპარაკი.

კარდინალ სპელსმანმა მიიღო—ჩაგრულ ერთა დელეგაციები. იქვე დროშებით ჩამწკრივებული იყვნენ წარსული ომების «ვეტერანები» დროშებით.

17 ივლისის გაერთიანებულ ერთა კავშირის მოედანზე გაიმართა დიდი მიტინგი,—კავშირის შენობის პირდაპირ—ჩამოკიდებული იყო ხრუშჩოვის უზარმაზარი სურათი—მაცდური ღიმილით,—მათრახით ხელში. იგი ზის ჩარდალზე—რომელსაც ეწიწებიან დაჩაგრულები.

მიტინგზე გამოვიდნენ სიტყვებით სენატორები და გამოჩენილი პოლიტიკური მოღვაწენი.

ცენტრ.—ევროპიდან გამოსულ ამერიკელთა კონფერენციის თავმჯდომარემ წაიკითხა მანიფესტი, სადაც მოსკოვის წინააღმდეგ წამოყენებულია ბრალდებები, მოთხოვნილია

დაპყრობილი ქვეყნებიდან ჯარების გაყვანა და მათი თავისუფლების აღდგენა.

19 ივლისს ნიუიორკის ქალაქის თავმა მიიღო დაჩაგრულ ერთა წარმომადგენლები.

რადიომ გადასცა ჩატარებული მანიფესტაციების ანგარიში.

კვირა—გათავდა 24 ივლისს. ამ დღეს «მანჩესტერ ცენტრ»-ის დარბაზში შესდგა დიდი მიტინგი—აქაც გამოვიდენ სენატორები სათანადო სიტყვებით.

ამაწლის 2 მაისს შეერთებულ შტატების წარმომადგენელთა პალატამ მიიღო რეზოლიუცია, რომელსაც აქვე ვათავსებთ:

საბჭოთა კავშირის მეთაურებმა არაერთხელ განაცხადეს, რომ მათი შეურყვევლი მისწრაფებაა პოლიტიკური, ეკონომიური და იდეოლოგიური ბრძოლის საშუალებით მთელ მსოფლიოში კომუნისმის გავატონება.

საბჭოთა კავშირმა იარაღის ძალით, ძირგამომხრელი მუშაობით და სხვა საშუალებებით შუა და აღმოსავლეთ ევროპის დაპყრობილ ერებს თავს მოახვია მარიონეტული კომუნისტური მთავრობები, იმონებს მათ სულიერად, რათა დაამყაროს მათ ქვეყნებში სრულიად საბჭოთა კავშირის მსგავსი პოლიტიკური, ეკონომიური, სოციალური და კულტურული რეჟიმი.

წინააღმდეგ იალტაში მიღწეული შეთანხმებისა, დაპყრობილ ერებს წართმეული აქვთ საშუალება მოაგვარონ თავისი საქმეები დემოკრატიული გზით და თავისუფლად აირჩიონ თავიანთი მთავრობები.

წინააღმდეგ ყველა სახავო ხელშეკრულებებისა, გაერთიანებული ერების ორგანიზაციის წესდებისა, ადამიანის უფლებათა დეკლარაციისა და გაერთიანებული ერების ორგანიზაციის გენერალური ასამბლეის მიერ გამოთქმული სურვილებისა, საბჭოთა კავშირის მიერ დაპყრობილ ერებს წართმეული აქვთ თავისუფლება და ადამიანის უფლებები.

ამერიკის შეერთებული შტატები სისტემატიურად უარს ამბობენ პირდაპირ თუ არა პირდაპირ ცნონ დაპყრობილი ქვეყნების სტატუსკვო.

ამერიკის შეერთებული შტატები მტკიცედ იცავენ ერთა თვითამორკვევის პრინციპს, ესალმებიან თავისუფლების და თვითმართველობის ყოველგვარ გაფართოებას და მოითხოვენ, რომ განხორციელდეს ყველა დაპყრობილი ერის ხელშეუხლებელი უფლება თვით აირჩიონ თავიანთი მთავრობა.

სამართლიანი და ხანგრძლივი მშვიდობის დამყარება შეუძლებელია თუ არ აღსდგა შუა და აღმოსავლეთ ევროპის დაპყრობილ ერთა თავისუფლება, დამოუკიდებლობა და სუვერენობა, რომელთა განხორციელებას შეერთებული შტატები ყოველი შესაძლებელი საშუალებით ცდილობენ.

ღებულობს რა ყოველივე ამას მხედველობაში ამერიკის შეერთებული შტატების წარმომადგენელთა პალატა იძლევა წინადადებას რომ:

1) შეერთებული შტატების კონგრესმა მოითხოვოს დაპყრობილ ერთა ძირითადი თავისუფლების და ადამიანის უფლებების პატივისცემა.

2) კონგრესმა კვლავ გამოთქვას რწმენა, რომ დაპყრობილ ერთა ხელშეუხლებელი უფლება თვით აირჩიონ თავიანთი მთავრობა განხორციელებული იქნება.

3) შეერთებული შტატების კონგრესმა წინადადება მისცეს პრეზიდენტს ენერგიულად მოითხოვოს მომავალ მაღალი დონის კონფერენციაზე დაპყრობილი ერების ძირითადი თავისუფლებების და ადამიანის უფლებების აღდგენა.

ა მ ე რ ი კ ი ლ ა ნ .

(ხაკუთარი კლრესპოდენტისგან)

ხრუშჩოვის, ნიუ-იორკში ჩამოსვლასთან დაკავშირებით, დაპყრობილ ერთა პოლიტიკურ ემიგრაციამ მოაწყო ანტი-კომუნისტური დემონსტრაციები და საპროტესტო მიტინგები.

მთავარი გამოსვლა მოხდა 18 სექტემბერს.

ჩვენი ორგანიზაცია—საქართველოს დამოუკიდებლობის აღდგენის ამერიკული საბჭო—როგორც ყოველთვის ამ დღესაც აღმოჩნდა ეროვნული შეგნების სათანადო სიმძლევზე, ორგანიზაციამ თავისი ძალები შეუერთა,—დაპყრობილ ერთა ძალებს: უკრაინელების, პოლონელების, უნგრელების, თათრების, ყაზახების კავშირს. ჩვენი ორგანიზაციის წევრები ამ მეგობრების გვერდით მიაბიჯებდნენ ნიუ-იორკის ცნობილ მე-5 გამზირზე. საინტერესო იყო თვით დემონსტრაცია: დიდ მანძილზე გაუქმული ხალხის ტალღა, ნაციონალურ დროშებით, ზოგიერთები იყვნენ ნაციონალურ ტანსაცმელში გამოწყობილნი. თითოულ დროშაზე წარწერა გამოხატავდა ზიზღს, მუქარას, აღშფოთებას უსამართლოების, მოსკოვის მიმართ, რომელმაც სისხლში ჩაახჩო ერების თავისუფლება.

ამერიკის დემოკრატიულ მართველობამ, რომელმაც ნება დართო ასეთი დემონსტრაციების გასამართავათ, მოწმობს ამ დიდ ქვეყნის თანაგრძნობას და მორალურ დახმარებას იმ ერების მიმართ, რომლებიც იბრძვიან თავის გასანთავისუფლებლად.

მაშინ, როცა მოსკოვი სისხლში ახჩობს თითოულ გამოსვლას, ხრუშჩოვი ბედავს ერთა კავშირის ტრიბუნიდან ამცნოს კაცობრიობას, რომ საბჭოთა კავშირიც ერები თავისუფლები არიან. ცხადია ანტი-კომუნისტური მანიფესტაციები წითელ იმპერიალისტებს ხელს ვერ ააღებინებს თავიანთ ზრა-

ხვებზე, მაგრამ ერთი კვირის მანძილზე პროტესტი ეროვნულ-ლი ჩაგვრის წინააღმდეგ არ შეიძლება უშედეგოთ დარჩეს. თუ კონგოში ახალგაზდა ოფიცერმა პანდური ამოკრა მოსკოვის აგენტურას—ამერიკაში—მან მიიღო არა ერთი მორალური სილა. თავისუფალ ქვეყნების საზოგადოებრივი აზრი მართალია გვიან, მაგრამ მაინც ერკვევა მოსკოვის გეგმებში და პასუხს აძლევს.

ქართული ენა ამერიკის მოხწავლეთა შორის.

ნიუ-იორკის კოლომბიის სახელობის უნივერსიტეტში მოსწავლეთა შორის აღმოჩნდნენ ისეთები, რომლებსაც სურთ ქართული ენის შესწავლა. ჩვენი თანამემამულე დოქტორი გოგი ნაკაშიძე ასწავლის მათ ქართულ ენას, რაც უსათუოდ დადებით მოვლენას წარმოადგენს.

ქართულ ენამ ცოტათი მაინც თუ გაიკაფა გზა ამერიკის ახალგაზდობაში თანდათანობით გაფართოვდება მისი შესწავლა და ამერიკის საზოგადოებაც ჩვენს დედა-ენაზე შეისწავლის ქართულ ლიტერატურის და ჩვენი ერის ცხოვრებას.

ლ. ა.

ჩემი მადლობა.

ჩემი სამწერლო მოღვაწეობის 50 წლის თავზე მრავალმა თანამემამულემ და მათში ზოგმა ისეთმა, რომელთაც პირადათ არც კი ვიცნობ, აგრეთვე ეროვნულმა ერთეულებმა და სათვისტომოებმა გულწრფელის და თბილის მოლოცვებით მომმართვეს მრავალი გამამხნეველი წერილები მომდის ევროპიდან, ამერიკიდან, სპარსეთიდან და სხვა ქვეყნებიდან და თითქმის ყველანი მრავალ საუკეთესო გრძობებთან სამშობლოს ხილვას და მისი თავისუფლებით გახარებას, ჩვენი «1500 წლოვან თბილისით» დატკბობას მისურვებენ...

ყველა მათ შინდა ამ გზით ჩემი დიდი მადლობა მოვახსენო. ამ მადლობასთან ჩემს სიხარულსაც ვერ ვმაღავ, რომ ყველა ამ წერილებში და სურვილებში ნათლად გამოსჭვივის ურყევი რწმენა და იმედი ჩვენი ქვეყნის აღდგომისა. 40 წლის ლტოლვილობას ეს რწმენა ოდნავ ვერ შეუწყვეია და «მეოთხე მოქცევის» ხილვის გრძობა არა თუ შენეღდა, კიდევ უფრო მძაფრია...

ქეშმარიტად, უცვლელია ქართველთა ძველი თქმა:

«კვლავაცა დაიზრდებიან ალგეთს ლომისა ლეკვები»...

ამ იმედების გაცხოველებისათვის კვლავ დიდი და მდებალი მადლობა მათ ვინც მოიგონა ჩემი მცირედი სამწერლო მუშაობის 50 წლის თავი.

აკაკი პაპავა.

ოქტომბერი 1960 წ.

გიორგი წერეთელი.

გიორგი წერეთელი დაიბადა ზემო იმერეთის სოფელ პერევისაში 1878 წელს. ის იყო შვილი საკმაოდ შეძლებულ დიდი ოჯახის. მას შეეძლო მთელი მისი ცხოვრება ფუფუნებაში გაეტარებინა, მაგრამ ის სიყმაწვილეშივე ეზიარა სოციალ-დემოკრატიულ მუშათა პარტიის იდეებს და ჩაება რევოლუციურ ბრძოლაში. მთელი მისი ენერგია და ქონება ჩაგრულთა სამსახურს შეაღია.

დაპყრა საქართველოს განთავისუფლების საათმა, აღსრულდა გიორგის ოცნება, ჩვენ ქვეყანას ეღირსა თავისუფლად ამოუსთქვა, პოლიტიკური და ეროვნული ჩაგვრის ბორკილების დამსხვრევა, გიორგი მთელი არსებით თავდავიწყებით ემსახურება ახლად გაფურჩქნულ საქართველოს დემოკრატიულ რესპუბლიკას.

ჩრდილოეთიდან მოსულმა მტერმა საქართველოს მოსტაცა თავისუფლება, გიორგი წერეთელი აქაც ქართველ ხალხთან დარჩა, და შეუპოვრათ ებრძოლა საქართველოს დამპყრობელთ.

იწყება საერთო აჯანყების მზადება, გიორგი ერთი მეთაურთაგანია. დადგა 1924 წელი, გათენდა აგვისტოს სანატრელი დილა, დღე საქართველოს ბედის თუ უბედობის, დღე სიხარულისა და იმედის, ქართველმა ხალხმა, ამ დღეს აღმართა დროშა თავისუფლების და ზედ მოჰქარგა სურვილი, მტარვალთა განდევნის, მონობის დამხობის. გიორგი უკიანთურის გამოსვლების ერთი პასუხისმგებელი ხელმძღვანელთაგანია. უკიანთურამ ამოცანა ბრწყინვალედ შეასრულა, ქალაქი აღებულ იქნა, ადგილობრივმა კომუნისტებმა თითქმის უბრძოლველად დაპყარეს იარაღი და მორჩილება გამოაცხადეს, მაგრამ მეორე დღეს თბილისიდან გამოგზავნილმა რუსის ჯარის ნაწილებმა ქალაქი კვლავ აიღეს. გააფთრებულმა მტერმა შური იძია, საუკეთესო მამულიშვილი ლაჩრულად, მუხანათურად, საბარგო ვაგონებში გამოწყვედულნი სიცოცხლეს გამოასალმა, ქართველი ერის ჯალათებმა საქართველოს კვლავ დაადგეს სისხლით შეღებილი ზუნდები. მთელი ქალაქი შავი ძაძვებით მოსილი გულამოსკენილი სტიროდა დაკარგულ შვილებს; გიორგი წერეთელს გაშმაგებით დაეძებს ხელისუფლება, მოითხოვს მცხოვრებლებისაგან მის გაცემას, რისთვისაც ის ჰპირდება მათ ჯილდოს და წარმატებას, წინააღმდეგ შემთხვევაში დარბევას და კვლავ აწიოკებას, მაგრამ გიორგისადმი იმდენად დიდი იყო სიყვარული და პატივისცემა, რომ ის არამც თუ გასცეს, არამედ მოუარეს, შეინახეს, დააპურეს და უცხოეთში გამოგზავრება მოუწყვეს.

ცნობილია, რომ უკიანთურა დათქმულ ვადაზე ერთი დღით ადრე გამოვიდა, და მტერს თითქოს საშუალება მისცა სასწრაფოდ მიეღო ზომები. სამწუხაროდ აჯანყების ბედი კი

ძალთა გაწეობილებით გადაწყდა. ამ ნაადრევად გამოსვლის შეცდომას გიორგი წერეთელს აწერენ, ისტორია იტყვის, რომ გიორგიმ მისი დავალება პირნათლათ და სისწორით შეასრულა. მას არავითარი ბრალი ამ საბედისწერო შეცდომაში არ მიუძღვის (ამის დასამტკიცებლათ მოკლე დროში გამოქვეყნებული იქნება სათანადო დოკუმენტები).

გიორგი წერეთელი იყო დიდი მორალური არსება, მასში არ ყოფილა პატივმოყვარეობა, შური ან ამაყობა, ის ყოველთვის სხვას სწევდა წინ და თვითონ უკან დგებოდა. მისი დამახასიათებელი თვისება იყო საზოგადო საქმისათვის თავის დადება, და მორცხვობა.



გიორგი წერეთელი.

ამით აიხსნება, რომ მან ზემოთ აღნიშნული უმართებულო ბრალდების მძიმე ლოდი უპროტესტოთ ატარა ემიგრაციაში მთელი 36 წლის მანძილზე.

უცხოეთში გიორგი სიღარიბეში და გაჭირვებაში ცხოვრობდა, მაგრამ არასოდეს თავის ცხოვრების ამ მხარეს არ დაგანახვებდა, ერიდებოდა, არ შეგაწუხებდა, კერძო დამოკიდებულებაში ყველასათვის სასიამოვნო და საყვარელი პიროვნება იყო. გიორგი სოფ. ლევილის ძმათა სასაფლაოს მიწას მივაბარეთ 3 ოქტომბერს 1960 წ. მან თან წაიღო უზომო სიყვარული თავის საყვარელ და სანატრელ სამშობლოსი. ჩვენ გულდამწვარ პარტიულ ამხანაგებში მისი ხსოვნა სამუდამოდ წაუშლელი დარჩება.

ლ. ფაღავა.

მ ო ზ ო ნ ე ბ ი ს ლ ე ბ.

შაბათს, 24 სექტემბერს, ჩვენი ლევილი, ჩვენი «პატარა საქართველო»,—ჩვენი ავკარგის მუდმივი მოწამე,—ერთხელ კიდევ გახდა ადგილი ფრიად თბილ და სასარგებლო მანიფესტაციის

სამოციოდე ახლო მეგობრებმა თავი მოიყარა არიანა ურატაძის 5 წლის და გრიგოლ ურატაძის ერთი წლის გარდაცვალების დღის აღსანიშნავად.

შეხვედრა მოხდა მათი ქალიშვილის, მედეას და გრიგოლის ძმისწულის, დათიკოს ინიციატივით და ქ-ნ ბაბოს უშუალო მონაწილეობით.

სასაფლაოზე იქნა გადახდილი პანაშვიდი, რის შემდეგ, ახალგაზრდა ინიციატორები უხვად გაუმასპინძლდნენ ყველა დამსწრეთ, მშვენივრად მორთულ სუფრაზე, ნოე ცინცაძის ხელმძღვანელობით.

სიტყვები წარმოსთქვეს სათვისტომოს მოძღვარმა, მამა ილიამ, ნ. ცინცაძემ, გ. ერაძემ, ნ. ორაგველიძემ, ინა ჭორდანიამ, მ. მელუამ, შ. კალანდაძემ და გ. ბოლქვაძემ.

«სიტყვები ყველა კარგი იყო, ერთი მეორეს სჯობდა»-ო გაიგონებდით სუფრის დასრულების შემდეგ, «შატოს» ეზოში და ოჯახებში.

ამას ალბათ ხელს უწყობდა შეხვედრის შინაარსი.

დახასიათება ორი იშვიათი პიროვნების რამდენიმე ცხოვრება ასე მჭიდროდ იყო დაკავშირებული, გადამბული ქართულ ცხოვრებასთან, მის ბრწყინვალე ტრადიციებთან, განმთავისუფლებელ ბრძოლასთან.

«არიანა და გრიშა, სხვადასხვა სოციალური ფენების წარმომადგენლები, ჰარმონიულად ავსებდნენ ერთი მეორეს, და ერთს, მთლიანს შეადგენდნენ»-ო ამბობს თავის შესავალ სიტყვაში ნ. ცინცაძე.

ნ. ორაგველიძე, გრიშას ბიოგრაფიის და მოღვაწეობის მოკლე დახასიათების წინასიტყვაობაში აცხადებს, რომ არიანაზე ცალკე ლაპარაკი ზედმეტად მიაჩნია, რაც გრიშაზე აქვს სათქმელი, ის არიანასაც შეეხება, «ისინი ერთს, განუყოფელს შეადგენენ»-ო.

«არიანა იყო ჩვენი ცივილიზაციის მუდმივი მატარებელი. განსაკუთრებით ლამაზი იყო ის ამ როლში მატერიალური და ფიზიკური შევიწროების დროს» ო. აღნიშნავს ინა ჭორდანიამ.

«რამდენიც არ უნდა ვეცადოთ მათი დახასიათება, სუფრის პირობებში, მათი სურათი მაინც მკრთალად მოგვეჩვენება» ო, აცხადებს გ. ბოლქვაძე.

სამწუხაროდ, ჩვენი გაზეთის სივიწროვე არ გვაძლევს საშვალებას ყველა სიტყვების დაბეჭდვისას.

გადმოქცემთ მხოლოდ მათ მოკლე შინაარსს:

არიანა, ქართველი ქალის ყველა საუკეთესო თვისებებით უხვად დაჯილდოებული, ნაზი, კეთილი, დარბაისელი, მუდამ სხვაზე მზრუნავი, ყოველგვარი გაუივრების მხნეთ ამტანი. სამაგალითო მეუღლე და დედა.

გრიშა ახალგაზრდობიდანვე მუდამ ხალხის კეთილდღეობისთვის უანგარო მებრძოლი, მუდამ ხალხთან მყოფი, პროპაგანდისტი, ჟურნალისტი, პოლიტიკური ხელმძღვანელი, დესპანი, ემიგრაციაში დაუღალავი მებრძოლი,—დაკარგული თავისუფლების აღსადგენად—გაუტყუებელი ოპტიმისტი.

სრულიად ბუნებრივად, მის მოღვაწეობასთან დაკავშირებით იქნა აღნიშნული წარმოთქმულ სიტყვებში ჩვენი სასიქადულო, ხალხური, გლეხური მოძრაობა, მესამე დასის როლი, 7 მაისის ტრაქტატი, რომელსაც კარდინალური მნიშვნელობა აქვს საქართველოს უფლებრივი მდგომარეობისთვის.

გ. ერაძემ, თავის სიტყვაში ხაზგასმით აღნიშნა ამ დოკუმენტის მნიშვნელობა.

«გადაურთ შეიძლება ითქვას, რომ იმ მომენტში მხოლოდ გრიშას შეეძლო ამ დიდ მნიშვნელოვან ხელშეკრულების დადება. ამისთვის მას ჰქონდა სამი აუცილებელი თვისება. საქმის სიყვარული, თავგანწირვის შეგნება (მაშინდელ ქოტიულ პირობებში არ იყო გარანტია, რომ მოსკოვში ცოცხალი მივიდოდა) და პირადი ნაცნობობა კრემლის ხელმძღვანელებთან»-ო ასკვნის ორატორი.

დასასრულ, ნ. ცინცაძე იგონებს არიანას, სიკვდილის წინ წარმოთქმულ «შენი უირიშე»-ს მიმართულს ოთახში შემოსულ მედუნიასადმი. «ამ სიტყვას, განსაკუთრებული გრძობით წარმოთქმულს ანდერძის მნიშვნელობა ჰქონდა»-ო, ამბობს ორატორი; მაღლობას უძღვნის ახალგაზრდებს ასეთი ინიციატივისთვის და იმედს გამოსთქვამს, რომ ისინი განაგრძობენ გრიშას და არიანას გზას.

გ. ბ.

26 მაისი ხელშეკრულება.

როგორც ყოველ წელს—ეროვნული დღესასწაული გაიმართა ქართულ სათვისტომოს ბინაზე. დარბაზი მორთული იყო ქართველ პოლიტიკურ მოღვაწეთა და მგოსანთა სურათებით. საპატიო ადგილი ეჭირა საქართველოს რესპუბლიკის პრეზიდენტის ნოე ჟორდანიას სურათს.

დილის 10 საათზე თავმჯდომარე ბ. ალ. შათირიშვილმა საზეიმო სხდომა გახსნა. ღრმა გრძნობიერი და შინაარსიანი სიტყვით მიმართა დამსწრეთ, მოაგონა მათ 26 მაისის მნიშვნელობა, რომლის შუქი მუდამ გზას უნათებს მებრძოლ საქართველოს. ილაპარაკეს აგრეთვე სხვა ორატორებმაც. სხდომის შემდეგ გაიშალა ტრადიციული ქართული სუფრა, ცეკვა-თამაშმა, მხიარულებამ გასტანა საღამომდის.

ო. ბ.—ლი.

1924 წლის აგვისტოს აჯანყების წლის თავი.

ქართველი ემიგრანტები არ იგიწყებენ საქართველოს დიდ ისტორიულ დღეს—აგვისტოს აჯანყებას, როდესაც ქართველი ერთი აღსდგა იარაღით მოსკოვის ბატონობის წინააღმდეგ და შეეცადა დაკარგულ ეროვნულ სუვერენობის აღდგენას, რასაც ათასობით თავდადებული მამულიშვილი შეეწირა.

საფრანგეთში მყოფ ქართველთა სათვისტომოს გამგეობამ, ჩვეულებრივად, წელსაც მოაწყო დღე აჯანყებაში დაღუპულთა მოსაგონებლად და მოსახსენებლად.

II სექტემბერს ლევილის ქართველ ძმათა სასაფლაოზე მამა ილიამ გადაიხადა პანაშვიდი, რომელსაც დაესწრო პარიზიდან და სხვა ადგილებიდან მოსული ქართველობა.

ამის შემდეგ პანაშვიდზე დამსწრე საზოგადოებამ თავი მოიყარა რესტორანის დიდ დარბაზში სუფრაზე, რომელსაც ხელმძღვანელობდა სათვისტომოს თავმჯდომარე ლ. ფალავა.

სიტყვები წარმოსთქვეს ლევან ფალავამ, მამა ილიამ ნოე ცინცაძემ, იოსებ გობეჩიამ, ლევან ზურაბიშვილმა, ქართველების მეგობარმა ფრანგმა ჟურნალისტმა და სხვებმა. ყველას სიტყვები იყო მეტად მგრძნობიარე, ღრმა რწმენით და მომავლის იმედით აღსავსე.

საქართველს აღდგენის ამერიკული ხაბჭო.

საქართველოს დამოუკიდებლობის აღდგენის ამერიკულ საბჭომ თავის 26 მაისის გამოცემა გაუგზავნა სენიტორებს, ბევრ მათთან მიიღო სათანადო პასუხი. აღსანიშნავია საპრეზიდენტო კანდიდატების სენატორ კენედის დანიქსტონის წერილი, სადაც ისინი მხურვალედ იცავენ მცირე ელების უფლებებს.

გაერთიანებულ ერების კავშირში წამოჭრილ კოლონიალურ საკითხთან დაკავშირებით ჩვენმა საბჭომ გადასცა პრესას და «ტელევიზიონის» სადგურებს მრავალი ცნობები საქართველოს დაპყრობის და მისი მდგომარეობის შესახებ.

გი მოლლე ქ. ბელფორში.

ამა წლის 16 ოქტომბერს ბელფორს ესტუმრა საფრანგეთის სოციალისტურ პარტიის ლიდერი გი მოლლე. ამ შემთხვევით ისარგებლეს ჩვენი პარტიის სოშოს ორგანიზაციის წევრებმა და თავის თავმჯდომარის აშხ. ილ. სალუქვაძის ხელით მას გადასცეს სათანადო წერილი, რომელშიც მას გაახსენეს საქართველოს ბედი.

მიმართვამ მხურვალე გამოძახილი პოვა—როგორც ჩვენ ამხანაგებთან კერძო საუბარში, ისე სახალხო სახლში მრავალრიცხოვან მიტინგზე გი მოლემ ამხილა მოსკოვის ვერაგობა საქართველოს მიმართ და გამოსთქვა იმედი მისი განთავისუფლების.

პოლიტიკური მუშების ხელისკვეთება.

30 სექტემბერს გადანიხსნეს გეგმების საამშენებლო მუშები მიწვეულნი იყვნენ მიტინგზე, რომელზედაც უნდა დაედგინათ წერილის გაგზავნა პოლიტიკის კომუნისტური პარტიის ცენტრალური კომიტეტის სახელზე. წერილში უნდა გამოეთქვათ თავიანთი თანაგრძნობა და თანამოაზრობა გომულსკასათვის მის გამოსვლების გამო გაერთიანებულ ერთა კავშირის გენერალურ კრებაზე, ნიუიორკში, სადაც ის სავსებით მხარს უჭერდა ხრუშჩოვს.

მუშებმა მიიღეს თუ არა იმ დღეს თავიანთი შრომის გასამრჯელო, უმჯობესათ სცნეს წასულიყვნენ სახლებში. მიტინგზე გამოცხადდა მხოლოდ რამდენიმე ასი კაცი. როდესაც ორატორმა დაიწყო საბჭო კავშირთან მეგობრობის და ხრუშჩოვთან ამხანაგობის ქება დიდება, გაისმა ყვირილი: «გვეყოფა პროპაგანდა, ჩვენ გვინდა ვიცხოვროთ ისე, როგორც ცხოვრობენ დასავლეთში!» ყვირილი უფრო გაძლიერდა, როცა მიტინგზე გამოჩნდნენ ეგვიპტის და ინდონეზიის ტენიკები, რომლებიც მეთვალყურეთ იყვნენ თავიანთ ქვეყნების გემების ამშენებლობაზე. ამ ყვირილში მიტინგი დაიშალა. როდესაც წესრიგის აღსადგენათ მოწვეულ იქნენ სამხედრო დამცველი რაზმი, ამ უკანასკნელს და მუშებ შორის მოხდა შეტაკება. ამ არეულობის გამო დაჭერილი იქნა 12 კაცი.

ამის შემდეგ თვით ქალაქში გაიმართა მასიური დემონსტრაციები. საზოგადოებრივი აზრის გავლენით მართველობამ გაანთავისუფლა დაჭერილები. (ნაშე ობშჩეე დელო № 21).

სახარვეზო საქმე.

ინგლისურ ჟურნალ «რევიუ კავკაზ»-ში—ვილაც აფხაზიანმა ჩვენი ქვეყნის სხეულის ერთი ნაწილი სადაოთ გაგვიხადა. აფხაზეთი—წარსულში სომხეთს მიაკუთვნა. მრავალ გამოგონებულ ავადმყოფურ ფანტაზიიდან წარმოშობილი «ისტორიული საბუთები» მოგვიყვანა და მით შეეცადა დაერწმუნებია უცხო მკითხველი... ჩვენმა თანამემამულემ მინდია ლაშაურმა თავისი ბროშურით საქადრისი პასუხი გასცა ბ. აფხაზიანს, მისი შრომა რომელიც უტყუარ ისტორიულ მასალებით არის დასაბუთებული უაღრესად საინტერესოა და ყველა ქართველმა უნდა წაიკითხოს, სადაც იგი გაცნობა მრავალ ისტორიულ საბუთებს აფხაზეთის წარსულიდან.

ჩვენის მხრივ მადლობას უცხადებთ მინდია ლაშაურს, რომელმაც უანგარო შრომა გასწია, თავის ხარჯით გამოსცა ნაშრომი.

3.

«ჩვენი ღაღუშა»-ს ფონდი.

შემოსწირეს:

მიუნხენიდან არსენიძე რაჟდენ	100 გერ. მარკა.
„ იმნაიშვილი ნიკო	50 „
„ იმნაიშვილი მოსე	50 „
საფრანგეთიდან ინასარი სერგო	2.000 ფრანკი.
„ კირტავა ბიქტორ	1.000 „
„ ზაქარიაძე ვალია	1.000 „

შეცდომის გახწვრება.

«ჩვენი დროშა»-ს უკანასკნელ ნომერში მოთავსებულ შემორანდუმის ქვევით ხელის მოწერა «ეროვნული საბჭო»-ს ნაცვლად უნდა იყოს «გაერთიანებული ეროვნული საბჭო».

გ ა ნ ც ხ ა დ ე ბ ი ს ს ა ხ ი თ .

ძვირფახე თანამემამულენო!

მაქვს პატივი გაუწყოთ, რომ ხნოვანებისა და ჯანმრთელობის შებღაღვის გამო იძულებული შევიქნენ დამეტოვებია ის პოსტი, რომელიც მეჭირა ორმოცი წლის განმავლობაში. ჩვენი ქვეყნის დამოუკიდებლობიდან დაგვრჩა ეს პატარა ადგილი, რომლის წყალობითაც ქართული სახელი შეგვრჩა და რუსებს არ გვეძახიან. ამ ხნის განმავლობაში ჩემი მისია მესმოდა: არ შემერცხვინა ის პოსტი რომელიც მეჭირა და ის სახელი რომელსაც ვატარებდი; მიუხედავად მრავალი დაბრკოლებებისა ეს ორი მხარე ჩემი მისიისა ასე თუ ისე დავიცავი... იმედი მაქვს, ჩემი მოადგილე ბ. ა. კინწურიშვილი, ახალგაზდა, შეგნებული და ენერგიული პიროვნება, გააგრძელებს მუშაობას, თანახმად შექმნილ ტრადიციებისა, ფრანგულ ოფისის ქართულ სექციაში...

ამიერიდან წერილები თუ თხოვნები უნდა გამოიგზავნოს შემდეგი მისამართით:

M-r A. Kintsourichvili.

O. F. P. R. A. Section Géorgienne.

23 rue La Ferouse. Paris (16)

სლხიპატრე ახათიანი.

P. S. ვსთხოვ ქართულ რედაქციებს ეს განცხადება მოათავსონ თავიანთ გამოცემებში. ბ. ა.



«ჩვენი ღრღუშის» გამომწერა შეიძლება შემდეგ მისამართზე

M-r Berichvili

16 bis, rue Jules Ferry. Leuville s/orge

(S. et O.) France.

შემოწირულებაც უნდა გამოიგზავნოს ამავე მისამართზე.